

欽定古今圖書集成

曆象彙編乾象典



欽定古今圖書集成曆象彙編乾象典

第八十一卷目錄

雨部藝文一

愁霖賦

魏應瑒

與韋仲將書

應璩

與董仲連書

前人

與尚書諸郎書

前人

喜霽賦

晉傅元

患雨賦

傅咸

苦雨賦

潘尼

愁霖賦

陸雲

喜霽賦

前人

喜雨賦

宋傅亮

請雨詞

梁陶弘景

喜雨賦

唐元宗

爲百官賀雨請復膳表

崔融

秋霖賦

盧照鄰

奉和聖製喜雨賦

張說

前題

韓休

前題

徐安貞

前題

賈登

前題

李宙

雨不破塊賦

王起

賀雨賦

沈瑱

密雨如散絲賦

李鐸

商霖賦

王郤

雨賦

宋吳淑

古今圖書集成
喜雨亭記

蘇軾

雨望賦

張耒

暑雨賦

前人

春霖賦

薛士隆

喜雨賦

王炎

聽雨賦

陳造

鹿田聽雨記

謝翱

怒雨賦

元郝經

喜雨賦

李繼本

雨賦

明田藝蘅

遊雨花崖牛嶺記

顧璘

風雨賦

闕名

乾象典第八十一卷

雨部藝文一

愁霖賦

魏應瑒

聽屯雷之恆音兮聞左右之歎聲情慘憤而含歆兮
起披衣而游庭三辰幽而重關蒼曜隱而無形雲曖
曖而周馳雨濛濛而霧零排房帳而北入振蓋股之
沾衣還空牀而寢息夢白日之餘暉惕中寤而不効
兮意悽悵而增悲

與韋仲將書

應璩

古今圖書集成
夫以原憲懸磬之居而值皇天無已之雨室宇漸而作漏堂館洽而爲泥薪芻旣盡舊穀亦傾屠蘇發撤機楡見謀進無顏子不改之志退無揚雄晏然之情是以懷感良不可堪人非神仙須仰衣食方今體寒心饑憂在日夕而欲東希許昌治生之物西望陵縣廚食之祿誠恐將爲牛蹄中魚卒鮑氏之肆矣

與董仲連書

前人

穀糴驚踊告求周伶日獲數升猶復無薪可以熟之雖孟軻困於梁宋宣尼饑於陳蔡無以過此夫挾管

晏之智者不有斯役之勞懷陶朱之慮者不居貧賤之地出蒙譏於恤護入見謫於嬪息忽便邑憤不知處世之爲樂也

與尚書諸郎書

前人

夫秋節涼和霽雨清閒正高會之盛時飲宴之良日也而陋巷之居無高密之宇壁立之室無旬朔之資流潦浸於北堂隙漏霑於衣服藁蒸單竭檐石傾罄中饋告乏役者莫興飯玉炊桂猶尚優泰雖欣皇天之降潤亮水車之思雨私懷蹙額良不可言想諸夫

古今圖書集成
子亦斯困也夫否泰潛升蓋由昏明二三執事以龍
虎之資遭風雲之會方將飛騰間闔振翼紫微運籌
帷幄顯揚豐積豈久沉滯於下職契闊於貧悴哉

喜霽賦

晉傅元

喜陰霖之既霽嘉良辰之肇晴悅氛電之潛匿兮樂
天鑒之孔明行潦歸於百川兮七氣徹於云庭東風
穆而扇路重陽昇其舒靈去湮沒之憂患卽通塗之
敞平釋昏墊之蒙昧覩日月之光榮若幽龍之出泉
兮超飛躍乎太清昔唐帝之欽明兮邁洪水之巨害

在殷湯之盛時兮亢炎旱以歷歲伊我后之神聖兮
敷皇道以居帝雖風雨之失度兮且嘉穀之無敗咸
調暢以茲茂兮天人穆其交泰命怡樂之吐和兮播
仁風於無外

患雨賦

傅咸

夫何遠寓之多懷患淫雨之有經自流火以迄今歷
九旬而無寧庶太清之垂曜覩日月之光明雲乍披
而旋合雷暫輟而復零將收雷之要月棄嘉穀於已
成前渴焉而不降後患之而弗晴惟一儀之神化奚

古今圖書集成
水旱之有并湯亢陽於七載兮堯洪汎乎九齡天道
且猶若茲况人事之不平

苦雨賦

潘尼

氣觸石而結蒸兮雲膚合而仰浮雨紛射而下注兮
潦波湧而橫流豈信宿之云多乃踰月而成霖瞻中
塘之浩汗聽長雷之泅泅始濛濛而徐墜終滂沛而
難禁悲列宿之匿景悼太陽之幽沉雲暫披而驟合
雨乍息而亟零日澁澁以達暮夜淋淋以極明龜鼃
遊於門闥蛙蝦嬉乎中庭懼二源之并合畏黔首之

爲魚處者含瘁於窮巷行者歎息於長衢

愁霖賦

有序

陸雲

未寧三年夏六月鄴都大霖旬有奇日稼穡沉湮生
民愁瘁時文雅之士煥然並作同僚見命乃作賦曰
在朱明之季月兮反極陽於重陰興介丘之膚寸兮
墜崩雲而洪沉谷風扇而攸遂兮苦雨播而成淫天
泱泱以懷慘兮民嘖蹙而愁霖於是天地發揮陰陽
交烈萬物混而同波兮元黃浩其無質雷憑虛以振
庭兮電凌牖而輝室雷鼎沸以駿奔兮潦風驅而競

疾豈南山之暴濟兮將冥海之暫溢隱隱填填若降
自天高岸渙其無涯兮平原蕩而爲淵遵渚回於凌
河兮黍稷仆於中田匱多稼於億廩兮虛夙敬於祈
年外薄郊甸內荒都城陰無晞景雷無輟聲織波靡
於前途兮微津隔於峻庭紛雲擾而霧塞兮漫天頽
而地盈於是愁音比屋歎發屢省陽堂乏暉朗室無
景望層雲之萬仞兮想白日之寸脛感虛無而思深
兮對寂漠而言靖毒甚雨之未晞兮悲夏日之方末
瞻大辰以頽息兮仰天衢而引領愁情沈疾明發哀

吟未言有懷感物傷心結南枝之舊思兮詠莊鳥之
遺音羨并彼之歸飛兮寄予思乎江陰渺天末以流
目兮涕潺湲而沾襟何人生之倏忽痛存亡之無期
方千歲於天壤兮吾固已陋夫靈龜矧百年之促節
兮又莫登乎期頤哀戚容之易感兮悲懽顏之易摧
考傷懷於衆苦兮愁岿霖之足悲雲曇曇而疊結兮
雨淫淫而未散晞朱陽於崇朝兮悲此日之屢晏劾
豐隆於岳陽兮執赤松於神館命雲師以藏用兮繼
乘龍於河漢照濛汜之清暉兮炳扶桑之始旦考幽

古今圖書集成
明於人神兮妙萬物以達觀

喜霽賦

有序

前人

余既作愁霖賦雨亦霽昔魏之文士又作喜霽賦
聊廁作者之末而作是賦焉

毒霖雨之掩時兮情懷憤而無懌肅有禱於人謀兮
反極陰於天律靖屏翳之洪隧兮戢太山之觸石凌
風絕而謐寧兮歸雲反而揮霍改望舒之離畢兮曜
六龍於紫閣揚天步之剡剡兮播靈輝之赫奕於是
朱明自皓凱風來南復火正之舊司兮黜后土於重

陰夷中原之多潦兮反高岸於嵩岑萎禾竦而振頰
兮偃木豎而成林嘉大田之未墜兮幸神祇之有歆
爾乃俯順習坎仰熾重離兼明暢而天地曠兮羣生
悅而萬物齊魚凌淵以增躍兮鳥望林而朝濟戢流
波於桂水兮起芳塵於沉沉朱光播於甕牖兮素景
衍乎中閨天監作照幽明畢覲普厥有權覃及四國
翕萬情而成喜兮雖無獲而自得災未及害和斯有
祥翼翼黍稷油油稻糧望有年於自古兮晞隆周之
萬箱原思悅於蓬戶兮孤竹欣於首陽陰陽交泰萬

古今圖書集成
物方適炎神送暑素靈迎秋四時逝而代謝兮大火
忽其西流年冉冉其易頽兮時靡靡而難留嗟沉哀
之愁思兮瞻日月而增憂感年華之行暮兮思乘煙
而遠遊命海若以量津兮吾欲往乎瀛洲臨儀天之
大川兮凌懷山之洪波瞻增城之峻極兮仰蓬萊之
嵬峩望王母於弱水兮詠白雲之清歌雖嘉命之未
錫兮將輕舉於流沙振仙車之鳴鸞兮吐玉衡之八
和託芝蓋之後乘兮食瓊林之朝華修無窮以容與
兮豈萬載之足多

喜雨賦

宋傅亮

唯二儀之順動數有積而時偏墊襄陵於唐籍感雲
漢於周篇匪叔葉之或邁在盛王其固然伊元嘉之
初載肇休明於此年懿玉燭之方熙愠積陽之獨愆
涸源泉於井谷委嘉穎於中田嗟我皇之翼翼悵臨
朝而輟娛踵冲謙於禹湯協至誠於在予且東作之
未晏庶雨露之夙濡遵懸子之徙塵尤魯侯之焚巫
祇桑林之六禱修季宰之再雩誠在幽其必貫感何
遠而不孚聆晨鶴於高垵候宵畢於天隅發曾雲於

觸石晦重陽於八區春霆殷以遠響興雲霈而載塗
灑豐浸於中疇覃餘潤於嘉蔬殷嗇人於蓄畝衍將
繁於中衢嗣良頌於多稔兆嘉夢於樵漁矧具臣之
逢運又均休而等虞陶曲成於暮稔念歸駕於董疎

請雨詞

梁陶弘景

乙未夏六月旱不雨積旬隱居與周共作辭朱書
青紙於靜中奏之周夜夢一人稱趙丞使下官相
聞前辭言語乃好但請雨應墨書請晴應朱書願
更墨書周乃作墨辭於庭壇自奏明日周向家云

今日中當雨爾旦天清赤熱了無雨意至禺中周
來入嶺至上便見風雲卒起未達隱居間於路便
雨得好溜唯在一山周迴左右耳

華陽隱居陶弘景道士周子良詞竊尋下民之命粒
食爲本農工所資在於潤澤頃亢旱積旬苗稼焦涸
遠近嗷嗷瞻天雀息百姓祈請永無感降伏聞雨水
之任有所司存願哀憫黔首霈垂霑渥呵風召雲膚
寸而合使洪潦溢川水陸咸濟則白鵠之詠復興於
今共伸至誠稽顙詞情謹詞

喜雨賦

唐元宗

仰重華之齊政步文命之彝倫何天道之云遠亦明
徵之在人迄中夏而自春遘僣陽而爲亢雲重結而
復解雨纔滴而還障山祠植珪而不答田峻倚耒而
惆悵京兆來奏音官撰曲將土龍而矯首請神巫而
頓足彼有憑而可舉予何抑而未許恐歲凶之及人
寧天譴於我身乃潔齋壇墀五精是祠暴立炎赫三
日爲期上帝臨我衷誠不欺重泉蒸潤觸石吐滋平
雲黯而鋪幕密雨森其散絲無雷無電不震不眩匪

疾匪徐乍合乍疎泛草泊樹垂珠點露過闕入樓含
煙雜霧或噴薄而攢集或淋漓而灌注亂積水之圓
文拂微風之斜度寰海浹而康樂畎畝欣而相顧絲
管合兮夜將曉芙蓉開兮日未暮原夫雨之爲德也
無小大之異情無高卑之不平無華朽之偏潤無臭
薰之隔榮喜夫雨之今應也赴一言而不舍經累辰
而廣瀉納清陰之浮涼同顛氣之飄灑感作霖於殷
命諷其滂於周雅家尚知乎禮節國有望於豐霸小
陽臺之神人却大宛之走馬觀雲行而雨施吾何事

乎天下

為百官賀雨請復膳表

崔融

臣某等文武官若干人言臣等聞太平之代天地合而流津至德之時陰陽和而布澤所以三農滋殖百物阜安伏惟天冊金輪聖神皇帝陛下寶命網緼元期肸蠭包混元而建極宅造化而開階德教布濩仁聲洋溢增高益厚已修中岳之儀順時班令更緝正陽之禮近以少愆甘澍親發至誠懷宋景之一言採殷湯之六事德音纔降靈心允協捧瑤緘而風起迎

寶字而星流雲不崇朝復三千之藥草雨必以夜通百億之江河遍高下而同霑在公私而並及陳畱雨穀譬此非多櫟陽雨金方斯未重邦國延有年之慶黎元罷望歲之憂臣等伏願陛下凝神保和怡情養壽復蠶庖之舊膳進鶴鼎之常羞使芝英有駐液之期蕙蒲知送涼之地則光天之下率土之濱孰不欣戴孰不幸甚微臣等幸逢休運預沐恩波混虞獸而同歡比齊禽而累抃無任悚荷之至謹詣朝堂奉表稱賀

秋霖賦

盧照鄰

覽萬物兮竊獨悲此秋霖風橫天而瑟瑟雲覆海而
 沉沉居人對之憂不解行客見之思已深若乃千井
 埋烟百廛涵潦青苔被壁綠萍生道於時巷無馬跡
 林無鳥聲野陰霾而自晦山幽曖而不明長塗未半
 茫茫漫漫莫不埋輪據鞍銜悽茹歎借如尼父去魯
 圍陳畏匡將餓不爨欲濟無梁問長沮與桀溺逢漢
 陰與楚狂長櫛風而沐雨未悽悽以遑遑及夫屈平
 既放登高一望湛湛江水悠悠千里泣故國之長秋

見元雲之四起嗟夫子卿北海伏波南川金河別雁
 銅柱辭鳶關山天骨霜露凋年眺窮陰兮斷地看積
 水兮連天別有東國儒生西都才客屋漏鉛槧家虛
 儋石茅棟淋淋蓬門寂寂蕪碧草於園徑聚綠塵於
 庖甕玉為粒兮桂為薪堂有琴兮室無人抗高情以
 出俗馳精義以入神論甚能鳴之雁書成已泣之麟
 覩皇天之淫溢孰不隅坐而含顰已矣哉若夫繡轂
 銀鞍金盃玉盤坐臥珠璧左右羅紈流酒為海積肉
 為巒視襄陵而昏墊曾不輟乎此懽豈知乎堯舜之

古今圖書集成
臞瘠而孔墨之艱難

奉和聖製喜雨賦

張說

愚臣啓先王之冊府校絕瑞於祥經樂雲雨之平施
齊品物之流形帝王爭重而爲寶麟鳳自輕而讓靈
况愆時之渴望歟意達而神聽是月也朱明漸半紫
油未吐恐降災兮此下人罄虔祈兮我仁主退象龍
之禮禱斥持鷺之貌舞屏翳慙其廢職祝融悔其遷
怒山泱漭而出雲天滂沱而下雨速一言而感應尅
三日而周溥氣滃靄以黦黹聲颯灑以蕭條濯如雲

漢之屑落散似珠泉之歎澆街塵漫其潢潦臯壤萋
其綠苗舒四溟之清潤卷六合之喧囂咸澡骨於神
液共歡心於聖朝借如五月有梅雨之名三春有穀
雨之氣越人以泥牛待沃胡土以賣龍求費出員嶠
而石香入成都而酒味彼偏方與小節非大人之所
貴復有送地祇於鬱島迎海后於葛川疾雷碎其山
裂走電矚其海燃天子作愁霖之賦詞人綴苦雨之
篇牆屋壞於倒井黍稷沉於下田乃凶稔之不令曷
休徵之有焉請言瑞雨之可喜也協氣交泰嘉生是

賴湛覃而不溺衍溢而無害東漸出日之表西被無
雷之外南窮火鼠之譯北盡燭龍之會天文則雲漢
昭回天澤則江河濤濤雖欲談天而窺管孰知堯德
之為大

奉和聖製喜雨賦

韓休

聖人調玉燭握金鏡乘正陽而馭六氣之辨考中星
而授四時之命所以平三階而齊七政惟十有六祀
日躔於南紀火德方盛炎曠自始主上問飛候之或
失徵驕陽之所起未明求衣當食昃晷恐六事之害

政引萬方而罪己乃設樞燎奠椒醕豈史巫之紛若
惟誠德之是與稽元穹以誓期樂形影以增佇善言
既發靈應無越天垂貫斗之雲神名離星之月有滄
淒淒南山朝濟林鳴陰鳥澗隱晴霓九光之霞冠於
雲日五色之氣映於巖谿始攢團而未下終颯灑而
俱齊合散縈直紛飛驟息肇自千畝周於八極及乎
公田我私長我黍稷我箱既萬我庾惟億人咸謂之
神功爾孰知夫帝力若乃拂珠箔含綺疏微霧氣於
金掌糝香烟於玉除下碧雲而陰合滴銅池而響餘

君王乃倚雲閣憑雨殿臨清署奏繁薦欣大德之在
生知上靈之有睠於斯時也一人有慶萬國歡心羣
臣獻華封之壽天子御薰絃之琴昭宸文於合璧式
王度其如金乾道兮下濟湛恩兮汪濊四三皇兮六
五帝于胥樂兮萬千歲

奉和聖製喜雨賦

徐安貞

惟大君之執象襲先帝之重元體至精而御物用明
德而動天自乘春兮當暑洎三時而不雨何陰陽而
併隔瞻雲漢以延佇而雍州之積高乃神明之舊府

君告有司無作淫祠圖應龍兮何名望愚婦兮何期
禦僊伏之六沴唯蕩蕩之上帝信天道之悠哉固人
事之所制爾其園壇方墀環以禁林拂瑤席兮列神
座藉白茅兮推聖心却華蓋而特立當赫曦之正臨
幽應如響明徵在今油然作雲鬱山川之氣淒兮爲
雨變天地之陰乘空離合煙霏霧雜散影微微清神
不稀無雷電之相迫但蕭條而自飛迴颯灑於天聽
襲清涼於御衣如泰嶽之朝下似陽臺之暮歸林籟
增飾城池共色八水青田千門紫極洗原隰於龍鱗

拂薨標於鳳翼伊萬物之同潤况油油之黍稷匝寰
海而為期指咸霖而一息吾君乃升玉堂闢金殿既
滌炎暑是開清宴聽金石之克諧知神人之合抃濟
濟三事稽首而言效靈夔之鼓舞聯振鷺而飛翻欣
復夏王之膳無邀漢后之恩微臣束紳國史秉筆階
阼仰宸儀之法度聞天韻之宮徵大舜之慶雲已發
武帝之秋風莫比欽豐歲之餘裕躋先天之至理陋
星斗之占冠靈臺之紀猶誠奢靡之事信明明之天
子

奉和聖製喜雨賦

賈登

聖人在位體天法地示人以五行應天以五事修其
貌也時雨若正其言也時暘至彼氣象之或乖將反
身而可致皇哉我君元德敷聞御極而三才交正乘
時而四序平分十有六年以至今載旬有一雨不愆
乎晦所謂元化之功行於太平之代粵在春餘而乘
夏初或土官以位或火正其居士勝於水午衝於子
陽景且曜陰風莫起當天數之適然非歲行之常紀
惟帝念茲聞諸有司或獻舞雩之請或陳齋社之期

省而不錄云奪農時直以萬乘之貴躬親三日之祠
王言既出聖心惟一天昭厥誠神降之吉霈然爲雨
不俟終日明明聖后知微知彰迪彼炎暑化爲清涼
恐二氣之相迫於兆人而不臧以身作戒因物考祥
當是時也收其威而雷不敢作隱其耀而電不能爍
昭其令而風不憤憤布其和而氣不交錯徒以元默
爲貞清明惟神簡服用興德仁如此者上獨感其雲
行下獨成其雨施六合雖廣一朝畢被其始至也歷
亂希微霧雜煙霏其少進也湛覃凌厲泉飛颺逝驚

碎滴於瑤池噴懸流於錦砌傳聲竹樹之末濯色菱
荷之際乘日用而此多仰年豐而可計帝乃罷薰風
之絃奏其雨之篇歸功於大造致美於皇天詞因喜
降義以精傳是禮也且高於商武斯文也復掩於周
宣非聖德之兼濟何以臻於此焉巍乎聖主謙以自
輔慮其率土猶稱疾苦申命文武更求多祐又吹之
以軒后大風又沐之以殷宗霖雨潤再洽兮恩重溥
自朝廷兮至草莽鑠皇篇兮熙帝譜于胥德兮振萬
古

奉和聖製喜雨賦

李宙

既五月兮生一陰猶不雨兮思作霖聖自咎兮天同
德誠下荅兮神孔歆臣聞澤不潤下意將乾封豈大
明在御而荒歲或逢禮有旱暵之舞詩有昭回之詠
陛下退史巫之紛若追后土之虔敬以乾坤而合德
何造化之不測雷赫曦兮是時雨滂沱兮爲期粵三
日而將澍未崇朝而已布霏微露立之壇霹靂風旋
之步緬察獄以臨幸嘗禱林而戒懼曷若不言而順
於陰驚曰肅而變其陽數非破塊與鳴條惟滌場及

灑路靈臺是升斯考休徵渾儀已緯更酌元亨爾乃
紫微涼夏彤庭景深初泛灑於太液復蕭條於上林
傾菡萏而花舞散青葱而葉吟宜刻漏於銀箭雜秋
聲於玉琴龍虎飛騰兮多氣色鸛鶴鳴唳兮有清音
况田畷之至喜奉聖人以爲心惟大君之德也如雨
施於上元如澤漏於重泉浸四溟而無遠洞萬物而
無偏喜羣生之遂也山不翦其毛髮河不汚其宮闕
思就紺而生虹願從風而移月絕奔雷以無景靜行
雲以不發願依稀兮其奚多雖三五而可越

雨不破塊賦

王起

國有休徵天作零雨不爲霖以破塊自呈祥而潤土
既霑既足克成五稼之豐不疾不徐詎作三農之苦
惟雨也映於遙天惟塊也列於大田彼以泛灑爲利
此以生植爲先元雲不開色霏微而方密黑壤相映
形磊落以皆全詎爲暴於終日自成功於有年觀其
散漫初來空濛如振不遺一撮之小不爽一旬之信
滋螻蛄之穴何患沾濡帶蚯蚓之形亦懷膏潤其色
如晦其飄甚微纒連異質優渥同歸如原野之霧合

似隴畝之塵飛色潤方圓形沾大小東作之耕斯著
西成之功必表青黎不散佇秀麥之芄芃白壤常存
宜散絲之皎皎是知妖魃見也則枯旱爲憂商羊舞
也則泥塗見修孰若霖霖微漬滂沱不流所以見太
平之美所以彰至聖之休故宜美土疆資播種宣老
圃之志作曾孫之頌祁祁美瑞九土之澤克施莓莓
有形三日之霖勿用是知雨無破塊年必屢豐積而
不載感之則通何沃土之不浹何瘠壤之不同夫如
是則受塊之人共欣其天賜擊壤之老將明其帝功

古今圖書集成
賀雨賦

沈瑱

臣聞堯以欽明文思察洪水而其咨湯以布昭聖武
綿鑠石而不雨彼穹蒼之災沴豈睿君與聖主我明
德之香馨終時康而俗阜大唐以率俾蠻夏莫非王
土主上以光宅君臨粵若稽古后以淑德崇化爲乾
作輔其廣運也包二儀以覆載其亨育也想羣生之
父母聖謨洋洋嘉言孔彰惟精惟一無怠無荒百姓
有過引之歸己一物失所納之於隍夫人之所重者
食也政之所先者農也近歲以冬雪不盈春雲少澤

綠疇合瘁朱夏將革無西畢之滂沱有南威之赫奕
我藝闕秀甫田虛闢湘燕垂翼而不飛應龍矯首而
何益爾乃邦人大恐皇念勤眷思轉災以爲祥宜樹
美而除譴移正寢徹豐膳釋幽寃索遺彥達聰明日
廣視聽於四方恤獄緩刑開網羅於三面誠絕崇慝
懲離黨援袞路清太階平君臣咸一邦家輯寧天方
悔咎淪孽垂休降靈雲布族而靄靄電驚空而煌熒
殷雷震而闐闐飛雨零而冥冥夫其森沈散漫颯灑
凌亂瀝液汪洋周流津漢濯上林之霍靡漲昆明之

瀾汗驟繁響於闕庭浮清風於樓觀元澤優而霽止
晴光炳兮澄渙奔餘潦於迴塘挂晴虹於霄漢阡陌
條暢而增綺黍稷芬榮而若換野老熙熙農人相持
嘉廩儲之望歲喜甘露之流滋鼓腹擊壤賡歌稱詩
詩曰有渰淒淒興雨祁祁雨我公田遂及我私皇上
睟容有穆神心載怡羣卿大夫濟濟纓綬拜手稽首
足之蹈之賀農祥於介福荅聖造於休期有諫議大
夫沈瑱因進而稱曰臣聞昔者飛雉升鼎用墜殷宗
之德熒惑守心旋移宋景之慝禾苗盡起孺子感動

於周公桑穀並生太戊獲相於伊陟夫君人者修己
以敬乾乾日昃奉堯舜以爲心崇禮讓而爲則放黜
回佞敷求讜直使人以時用丘明之昏定異物不貴
誠老氏之難得哀賑惇嫠勉敦稼穡自然災伏至誠
感於天地及當而行湛恩浹於寰瀛珍絡繹瑞縱橫
海氣蒙晏河光吐榮甘露凝而醴泉涌麒麟遊而鳳
凰鳴煙雲蕭索而紛郁日月光華而淑清我后慎終
如始用晦爲明爲而不有冲而不盈向之能事動植
由庚

古今圖書集成
密雨如散絲賦

李鐸

散萬物者莫潤乎雨鈞百貨者莫細乎絲雨將應時
既盈空而沃若絲將比密爰委質以棼之原夫清畢
啓陰夕陽向暮散輕霞以成綺蠹元雲而似布於是
霖霖郊野霏微草樹蔽重霄之靄靄猶委緒風映遠
岫之濛濛乍迷縠霧髣髴將久輕盈匪疎濛濛浣紗
之際浸淫濯錦之餘織婦停梭似曳乃輕之緒舟人
罷釣疑牽或躍之魚由是揚素彩降碧虛忘機別天
庭之皖彼拂鬢驚韶髮之皤如徒觀其散影有經分

行無匹始斜足以色麗俄交反而勢密輕沾素服懷
墨子之悲時遙隔布泉誤詩人之怨日皎皎容潔綿
綿體微絕而復尋等蛛網而共掛垂之如墜連雪絮
以輕飛仰之盈目紛如可矚彼時澤之長懸若天經
之恆續秦臺蟻行豈惟珠曲乃穿湘浦燕飛不獨鳥
方驚觸有以灑炎炎之苦有以慰蚩蚩之俗且晴晦
之異圖謀之祥則有雲如繒以遙列星曳練而可望
布霑濡而莫能與比齊綿密而易足其相彼龍見而
方雩與決雲而齊給或流電而未止或破塊而併集

古今圖書集成
會未若汗漫於率土之濱表王言之澤及

商霖賦

王邵

殷葉到哲后出篤思道秉明恤承帝眷賚良弼入夢
惟肖在野叶吉起版築之風雲洪流浴夫天日副三
祀聿求之勤標千古枚卜之鉢爾其時也睿慮淵涵
皇仁深厚役陰陽而嬗化兮泯雷霆之聲臭何雨暘
之弗若兮望雲霓而瞻蚴蟉屯河毫之膏澤靳滲漉
於簷蔭也邪當其甘盤既遜王言弗雍學海竭天澤
壅雲龍睽而否隔元黃戰而乾封忽甘澍之祁祁沛

浩蕩於三農相彼元感之氣類如時雨可狀其遭逢
若夫霖雨之爲瑞也涵坤元表陰德滋稿萎而效靈
蘇枯苑以爲職曰霖曰霖膏黍膏稷盥液石田肥仁
土域至傾瀉夫天潢悉渝洽於喬陟見夫山巛雲而
貫斗兮星名畢以離月霏浹宙以滄萋兮雷橫空而
飄越勢滂沱以汗漫兮霾靜驕而滄洩舞雩徹於郊
壇桔槔休夫林樾草木發其光氣町疇漾其漣滑立
解雲漢之憂如荅桑林之謁若彼滋梅應候隨車及
時如酥破塊似露濯枝亦油然而淳然僅涓滴以爲

施烏能漂陶流虞滌姒蕩姬肯播兮助明王之終畝
稽田兮勤哲后之敷菑於是天澤既溥地華斯泣重
穆聿興茗穎畢展配鴻濛而育物實恭默之所幽闡
已優渥而淵如何裔夏有殊夫沴演故乃山川出雲
日月順軌氛祲潛消疵疫不起濁流胥澄鬼方亦救
泯神功於冲漠昭調燮之凝祉稱交泰之奇緣歷千
載而流美是以後之代天理物者名大降於宣麻冀
載零以洗兵染天章而揮灑特寵畀夫保衡因而睠
方寓之于遺切密勿之丞凝憂堯之心勞禹之形四

門闢百度貞立無方兮恢天網籲簡在今維國楨爰
列夔龍之姓字稽元愷之氏族對玉食弗遑暇覆金
甌以穆卜期一德以享天筦治忽之樞軸萃岳牧於
一堂豈喜起之難復方將挹三靈之蹇蕤拯萬姓於
泥塗覃恩布濩至德淪濡封山禪嶽瘞玉攷圖蘊聖
宣肅抑慘用舒道周神洽體有示無溢四海而訖聲
教同造化以鴻敷邁作霖雨於有商播歌頌於終古
重曰考德丹宸凝神紫宮兮覃精元默帝載潛通兮
延英宅揆靈潤聿瀾精禋仰同兮開濟道弘燮理懋

功今古是隆兮祈祈憲憲天人合德保昌運於無窮
兮

雨賦

宋吳淑

夫雨者蓋陰陽之和而宣天地之施者也若乃滄然
淒淒霈焉祁祁納於大麓而弗迷自我公田而及私
五政無差十日爲期未能破塊才堪濯枝微若草間
委露密似空中散絲飲酒方觀于御叔假蓋寧聞於
仲尼若夫月方離畢雲初觸石紆灌壇之神馭儼高
唐之麗質雖潤不崇朝而暴難終日爾其驂屏翳駕

元冥歎室中之思婦集水上之焦明蜀道淋鈴周郊
洗兵罷陛楯於秦殿奏簫鼓於劉城或以占中國之
聖或以伐無道之邢及夫舟運庭中衣生堂上喜甘
泉之已飛伊百穀而是仰亦有洞中鞭石鞍上飛雲
煩河伯之使藉無爲之君則有諒輔聚艾戴封積薪
漂麥已稱於高鳳流粟仍傳於買臣隨景山之行車
折林宗之角巾亦聞文侯期獵而守信謝傅出行而
致怒或勤閔而求或霖淫爲苦忤羅浮之神龜鳴武
昌之石鼓復見商羊奮躍石鷲飛翔玉女披衣雷君

出裝認天河之浴豨觀卯日之羣羊利物爲神零雲有香霈則喻宣尼之相魯霖則爲傳說之輔商又云樂巴嚶酒樊英嗽水浮朱鼈於波上躍黑蜃於水底陰陽脗合而風多日月蔽虧而雲細或因掩骼而降或爲省冤而致考於犧易悵西郊之未零翫彼麟經睠北陵而可避

喜雨亭記

蘇軾

亭以雨名志喜也古者有喜則以名物示不忘也周公得禾以名其書漢武得鼎以名其年叔孫勝狄以

名其子其喜之大小不齊其示不忘一也予至扶風之明年始治官舍爲亭於室之北而鑿池其南引流種樹以爲休息之所是歲之春雨麥於岐山之陽其占爲有年旣而彌月不雨民方以爲憂越三月乙卯乃雨甲子又雨民以爲未足丁卯又大雨三日乃止官吏相與慶於庭商賈相與歌於市農夫相與怵於野憂者以樂病者以愈而吾亭適成於是舉酒於亭上以屬客而告之曰五日不雨可乎曰五日不雨則無麥十日不雨可乎曰十日不雨則無禾無麥無禾

古今圖書集成
歲且荐饑獄訟繁興而盜賊滋熾則吾與二三子雖欲優游以樂於此亭其可得耶今天不遺斯民始旱而賜之以雨使吾與二三子得相與優游而樂於此亭者皆雨之賜也其又可忘耶既以名亭又從而歌之曰使天而雨珠寒者不得以爲襦使天而雨玉饑者不得以爲粟一雨三日繫誰之力民曰太守太守不有歸之天子天子曰不然歸之造物造物不自以爲功歸之太空太空冥冥不可得而名吾以名吾亭

雨望賦

張耒

淡海天之蒼茫觀驟雨之滂霈飄風擊而雲奔曠萬里而一蔽卒然如百萬之卒赴敵驟戰兮車旗崩騰而矢石亂至也已而餘飄既定盛怒已洩雲逐逐而散歸縱橫委乎天末又如戰勝之兵整旗就隊徐驅而回歸兮杳然惟見夫川平而野闊夫雲霞風月之容雷雨電雹之變非巧力之能爲蓋人間之絕觀必也登雄樓傑閣之崢嶸憑高山巨海之空曠徹除耳目之障蔽而後能窮極變化之奇狀嗟我居之卑湫兮東視聽於尋丈顧所欲之莫得兮徒臨風而惆悵

暑雨賦

前人

提九山於空虛忽並擊而俱裂壅百川於河漢迺防
潰而一決哀下土之微生何足供夫摧折方朱鳥之
宵中歲仲夏兮大熱雖憒焚之一快俄鬱蒸之莫洩
叢百指於環堵顧杖履之安設委重煑於九旬淫疾
苦於百節付六繫於渾沌獨天游而神悅忽翛然而
輕舉固已窺寒門而蹈冰雪攬北斗而酌天酒覲上
帝於元闕聊逍遙兮窮年俯故居兮螿垤

春霖賦

薛士隆

皇八世之隆興兮元正直於青陽遭霖澍之媯綿兮
竊獨悲此衆芳氛祲鬱其繽紛兮蔽皇蒼之渙忍既
困人以沉著兮又申之以紆軫幹渾天以爲蓋兮星
辰爛其昭灼仰橫空之鬣隸兮日飛霰余靡樂坤輿
磅礴以蒸漬兮漲塗潦之狂流草莽莽以侵階兮蒼
蘚汨其孔蘇藥丹頰以豔顏兮荃胡獨罹此患上飄
風而下淫注兮實芬葩於未晏蠶蠢蠕以三蛻兮弊
棲畝之云秋胡彼蒼爲此亟寒兮產鬆鬢之耳頭情
徊徨余靡遡兮幾鳴哀於閭闔羌被離於霧露兮雖

古今圖書集成
衷腸誰與荅創余懷而若刈兮涕紛零其如雨庶庚
申之輔夏兮鎖支祁於淮浦烏乎悲哉兮人生復幾
春歲流邁而多陰兮皇漏滑於東君不如歸蹄鷓鴣
之彫萬卉兮傷靄昧而幽憂叱神龍俾潛淵兮馭羲
和而遠遊

喜雨賦

有序

王炎

丙申夏四月武昌闔郡不雨越五月三日崇陽宰
吳侯以誠禱雨遂優渥按春秋僖公三年春正月
不雨夏四月不雨六月雨說者曰書不雨者閔雨

也書雨者喜雨也喜雨者有志於民也今吳侯禱
雨以誠不崇朝而雨隨之可謂有志於民矣作喜
雨賦其詞曰

歲行於涪灘之辰斗建於實沉之次環鄂渚之七縣
值亢陽之爲沴風自南而且霾日將北而如燬雲霓
鬱而不興旱魃驕而執禦策余馬於郊牧喧龍骨之
伊嘍滂池瀦其旣竭陂堰支其斷流視衍沃而龜坼
况高田之未耰苗已悴而半槁懼西疇之不收幾張
頤而待哺舉蹙頞而增憂粵桃溪之令君念民命之

古今圖書集成
惟穀茲土曠而農惰雖儋石而無蓄緊告糴之多艱
米翔躑而如玉儻旣月而旱甚民必仆於溝瀆講雩
祀之故事虛心齋而竭誠謁梵王之蓮宮羞蘋蘩之
潔清款仙伯之靈巖釋輿馬而草行陰暄暄而隨蓋
颺悠悠而擁旌柱礎濕其有汗鐘鼓鞞其無聲紛舉
手以加額曰雨兆其已形龜日歲儀肅我庭宇駕龍
秋秋攸屆攸止雲將前驅雨師踵至越三日而爲霖
罄一同而均利稼芄芄而驟蘇澹汨汨而如注免爲
殍於凶年占築場於樂歲沸輿誦而載塗歌令君之

陰賜其歌曰霖霖兮涵濡汚邪兮滿車其釀兮有黍
稻稷兮可炊豈弟之澤民肥不臞我字我撫公留勿
歸均此大惠公歸勿徐吳侯聞而哂之曰父老之言
何美之溢也向也民憂而憂此吏責也今也民喜而
喜吏不敢以爲德也然旱而禱禱而雨如重負之獲
釋也酌我醕醴旅我殺核合僚友而一笑吾敢忘夫
帝力

聽雨賦

陳造

步前楹瞻列星問雨而愍晴雲河斜澹淡明悲惜於

古今圖書集成
邑退坐風櫺憂而倦倦而寐寐而驚進新涼響微零
下簷隙喧中庭策策而下丁琅琅而玲玲非琴非筑
金撞而玉琤俄焉建之瓴盆之傾懸麻澍繩雜流泉
之洶駭亂甲馬之逐轟喜躍蹶起呼兒晤聽時也燥
枯煖焚自夏而秋東驚西馳哀祈乞靈款龍湫叩神
扃奠斯幣而刑牲者蓋無虛日今始聆乎此聲苗悴
悴而將槁悵此願之莫憑脫如願也槁者已矣悴者
庶其復榮今茲之雨雖云後而尙及事坐想夫南規
北西遠隴近平在谷滿谷在坑滿坑自今以始畎澮

之淺深溪澗之縱橫滄潢兮萬斛之傾輸鏡澈兮千
頃之泓渟映涼葉之朝翻涵嫩畦之夜青苞者攢槩
秀者森芒兮莫不引稚而抽萌惟感歎咤者生意之
頓回奔驚跼踖者舞踊而經營洗穢子之昔憂歛春
臺之共登且得以殺吾顏之駢頰息勞慮之怛怛蓋
去國積年者繫夢於鄉枌枒腹彌日者動啜於藜藿
一旦陞堂皇挹父兄嘗稻梁飫侯鯖冀幸禱祠而不
獲者不啻疇之詎此樂之易名而况匪輔胡車匪根
曷莖凡吏之安否視戚休於下究其理民則重而吏

輕今者里詠塗歌含舖擊壤之餘尙不釋然也夫豈其情燭旣跋僕屢更我瓶斯臥爾歌載賡哢鄰雞之旣鳴

鹿田聽雨記

謝翺

鄉余見南岳僧言岳頂望日出海看雲生樹石與岩屋聽風雨復異人世嘗疑其言之過比遊金華之北山宿東西鹿田夜聞風雨聲滃鬱浥隘琤琮澎湃淅淅浮浮冷冷寥寥或散或衰或赴或休或激或射或凌或瀝或沉或淫或溜或溢其過虛若乘其擊實若

盈其舉朽若勝而振於葉也若憑其赴於壑也若崩其回旋於空而薄乎軒牕也若濤風擊舟而擁於敗罽是不可得而詰其名也蓋其地近洞天山川鬼神虎豹蛟龍蟲蛇罔象烟雲水石之所聚故聲鬱而不散其石虛窾窾垤坳析圜注曰哈崢口鼻之所出故其聲泊以深其林木霍霏枯新堅脆榮實瘦液之所生故其聲泛以嗇其勢之來也殊方其席而怒也殊力其散而游於物也殊殖故能若無若有萬變而不窮畸人孤子抱膝擁衾感極生悲而繼之以泣故其

古今圖書集成
聽也獨真於是信鄉之所聞於僧者不謬然僧之聽乎此與人世異而吾之聽此復與僧異知吾與人世與僧之所以爲異則茲遊也將必有與吾不異而深知此聲者乎是爲記

怒雨賦

元郝經

蟾汨畢而膨脝箕哆口而饞吞帝惡貪兮赫怒氣軒軒兮不平乃命箕伯召坎師轉陰軸翻陽機鬱抑乎兩儀蘊隆乎四維包并乎八荒充塞乎九圍括一囊而大舉疆萬里以長吹陣雲移海而起雙霓貫斗而

飛肅肅慄慄沈寥慘戚收兩造之和氣寒凜凜兮來逼忽六合之破碎迸金光於虛碧震來兮號號迅擊兮霹靂轟萬乘之空車隕千尋之絕壁勁穿心而裂耳訝踵入而頂出間剝啄之聲落似沙石而還濕忽抑絕而閉默等萬籟之喧寂驟江傾而河沛漑天瓢爲一滴滔滔蕩蕩潏潏泱泱千里一注瞿塘峽上急浪驚湍沕沕飛蟠從天而下底柱山間紛秦堅之百萬避晉元之五千怒夫差之水犀旣射潮而矢天少瑟縮而浙瀝復誕漣以漣泣蛟龍奮而不屈走陸梁

以高騫蚯蚓暗而不鳴鼃黽噎而不喧疑天地之嘉
運欲覆世而一湔蝸蝻驚而轉石罔象喜而跳淵溢
溷中之污穢沒庭下之蘭荃疑天地之衰運復太古
之茫然穉子踣而不蘇畏崩壤而壞垣老媪伏而不
動固局束以孿拳彼胷中兮何主宜外物之變遷羌
獨居兮草堂方偃蹇而高眠爲攬衣而徐起正冠襟
而待旃主之乎以忠信彼胡爲乎詖偏倏孤電之長
埽賈餘勇而忽還星吐燄而耿耿月流波而娟娟於
是撫牀而下擊藜而歌之歌曰尸居兮龍見淵默兮

雷殷彼自怒而爲幻我惟常而是允存而守之一心
而定推而放之四海而準又何怒之遷而喜之引也

喜雨賦

有序

李繼本

辛亥夏余寓繁峙彌月不雨五月二十有二日大
雨作喜雨賦

五臺之北五原之陽太行削雲間之老翠滹水落天
上之銀潢澮畝縱橫池館清涼雞犬靜其無譁花竹
秀兮有香臥雲子游而樂之遂解裝林下而上鄰於
暖泉之傍鄉大夫喜其來而懼其往也相與劓荒榛

古今圖書集成
絺草堂開蔬圃拭藥囊有琴在御有書滿牀奚奴春
柳陰之白粲鄰父過牆頭之綠觴步明月而歌窈窕
臨逝波而誅滄浪跡繼於城市心息乎紛攘蓋將奉
親以自樂而高臥乎白雲之鄉孰期涉茲盛夏天悶
膏雨憂心殷殷莫知所處赤日如焚旱氣旁午牛喘
欲頽龍臥不起粟苗半焦麥實成粃穹林偃兮槁木
破金啼兮渴鼠地靈縮萬井之源海若收百川之水
罷千門之管絃歎五方之商旅乃有戴白之翁垂髻
之子斟寒潭之清冷羅華粲之香幣走龍祠以祈靈

薦牲俎以陳醴旌幢綯兮九霄笙鼓訇兮百里娛以
優伶雜以士女旣醉旣飽載笑載喜眇天澤之少施
冀神心之暫啓俄而元霾塞乎沈寥密霧沉乎階阼
恍疑起潛蛟於巖幽而捲怒瀧於江渚也少焉明霞
收流電止日迎霧以霽澄風吹雲而披靡氣將交而
復離惠將布而復弛兆姓吞聲而無歡萬口箋天而
矢死巍巍皇穹憫民之窮沛然下雨當茲五月之將
終方是雨之欲降也炎光墮地層陰蔽空萬螿封穴
百鳥號風日車騰騰以遄邁電幟閃閃以交攻山川

古今圖書集成
卷之八十一
雨之既作也噴灑空際飛流海東浪奔平臯之雲河
走長橋之虹瀉天瓢於八極散銀竹於千峯迴生意
於萬象蘇渴望於三農既而陰氣解駁晴景冲融雲
浮浮其若練山宛宛其猶龍鳥嚶嚶其相樂木蒼蒼
其成叢平疇漲萬頃之綠奇葩吐千林之紅客有登
空山以遐睇鏘環佩於雲中藉緜緜之茂草蔭落落
之長松暝藹逐遙空之孤鶩天風度荒寺之遠鐘俯
仰宇宙披豁心胷但見火輪千丈西渡銀海湧出萬

朶金芙蓉爾其霞飛林表烟斂天末柳暗歸鴉簷喧
乾鵲送西山之夕陽挂南樓之朱箔槐色浮而庭宇
清花陰轉而簾櫳薄細帙曬兮芸軒酒旆揭兮山郭
烏犍耕白水之涯紅袖舞清風之閣涼入兮練衣香
潤兮錦橐於是華者實槁者活疾者瘳憂者樂三農
得是雨而澄明兩儀得是雨而開廓太和得是雨而
流行沴氣得是雨而銷鑠彼棠谿之金美則美矣而
惠不若是雨之博垂棘之璧貴則貴矣而恩不若是
雨之渥飛潛動植皆爲之鬯舒耆耄幼穉皆爲之欣

躍信天下之至寶非一物獨得而霑濡誠宇內之奇
珍非一人獨得以囊括天降斯雨豈人所作人被斯
澤非天曷托彼有備百禮以禱於鬼神者孰若精一
心以求於冥漠也臥雲子復怡然語諸鄉大夫曰始
而不雨吾意天實殄厥下民矣既而大旱吾意天實
隕厥兆民矣一雨如沐九土皆春天錫吾氓惠也孔
殷吾將結青山以為侶招白雲以為鄰耕田讀書以
終老於滹水之濱迺歌曰雷雨滿盈兮蕩乎無垠氣
化迴薄兮出乎無門使天雨玉兮曷若野橋流水清

無塵使天雨珠兮曷若石田茆屋屯秋雲吾何以酬
天地之大德兮惟有丹心一寸橫蒼旻

雨賦

明田藝蘅

陳王既去燭房即月殿命仲宣揮素練載歌載觴樂
而忘倦少焉玉兔漸沒赤烏將升商羊鼓舞螻蟻封
輿白馬奉使黑蜺作朋填填雷奮祁祁雲蒸大雨旋
降海沸川騰乃罷鳴琴弛妙舞上客無歸清談競吐
臨高臺而散心撫虛檻而披覩茫茫霧巒沉沉煙樹
屏翳奔馳元冥震怒乍逐電而翻盆忽從風而飄縷

古今圖書集成
遲回凝睇日眩神怡詠如晦於鄭什誦滂沱於周詩
幸我大夫載抽妍辭王粲捧簡口占進之臣聞天澤
之名取輔之義習坎之象佐養之事本因意而成文
水下雲而製字沛陰陽之和溥乾坤之施九疇肅而
時來五政得而春至道合天而成甘治入神而咸利
弗迷表重華之精誠無淫識中國之聖瑞其稱名也
雜其寓意也深暴則爲凍久則爲霽零則徐墜驟則
難禁小曰霖霖晦曰霖霽一旬惟穀十日惟霖濯枝
而暑卻破塊而年稷辨色戊申之日多怪符陽之岑

炎農效靈於正制成湯兆異於祝林武伐商而兵洗
衛討邢而師淋虞期昭魏文之信人事感宋景之心
若乃赤松翔少女發石燕飛焦明歇朱鼈波浮三豨
河沒無爲之君布州雷神之龍捕樾觸石出雲離畢
應月綠苔潤滋黃原潦淳玉溜蛇驚銀湍馬突舟運
廣庭衣生魏闕淹泰嶽而潛淵浮鄧林而濟筏於是
居者悅行者憂幽人喜思婦愁王孫未返浪子長遊
遠空漠漠曠野悠悠重陰易夜涼思先秋寒聲伏枕
冥色登樓君淒淒而向楚妾黯黯而居周騎泥濘而

古今圖書集成
駕阻羽濡而信修離情難霽別淚橫流歎高垵之
鳴鶴盼晴檐之喚鳩亦有壯士遐征淋漓絕域漢草
正青胡沙猶黑竈濕產鼃營卑爲蜮東山之師未班
蝸角之爭何息至如良苗就槁大旱雲霓彼南晦
春水一犁蛟得池中豹養山下密自西郊出漑傳野
未若祥飈拂慶澤濡三農足萬國娛開芳宴振俚歛
浪浪金石瑟瑟笙竽雅音泝響逸韻同趨和花殞砌
共葉辭株入竹注戟灑荷跳珠淪波涌泡暈漪點臚
映朝霞之危岫渺暮靄之平蕪驂油壁於峻坂解錦

障於潢汙或如晉而將飲况望湯之來蘇君王聞之
樂不可告選姬姜薦醯醢簇瓊筵獻佩玉上壽未修
染翰相屬庶卒通宵之歡乃歌聽澍之曲曲曰朝復
暮兮陽臺望美人兮不來厭厭飲兮燭滅懷抱冷兮
誰開又歌暮霽之曲曰塵心洗兮淒清醉耳寂兮無
聲風爲御兮雲爲軒美人來兮難爲情歌旣闌玷已
反庭燎輝油幕卷佳期可還行樂何晚雪徒夸兮兔
園月空夢兮桂苑領大王之雄風願有斐而不諛
遊雨花崖牛嶺記
顧璘

古今圖書集成
牛頭山與獻花崖對峙並金陵勝地在郊南二十五里陳氏孔彰居相近故主予輩爲是遊自春凡三易約乃定於四月十有二日日雖雨必往至日晨風颯然纖雨斷續策馬出郭門徑趨花崖時避雨道傍農舍比至寺雨益急侍御王君士招行後五里假蓋野人乃獲至衣盡濡濕南昌守羅君質甫先宿方山別墅潭不得至時孔彰食具亦阻於塗予三人躡屩登芙蓉閣高倚空際雲霧生自下方疾風橫過開閣明晦倏忽萬狀木葉滴瀝懸澗泉落四壁峭然莫聽人

語相顧歎曰霽遊者安知此奇哉下飯僧寮孔彰始攜二子負尊罍至歡然共酌夜分乃已遂連牀臥談古今且寤且寐不知倦憊之去體雨竟夜有聲衾枕皆潤薄寒襲人殊異城市其實身臥雲霧中也晨起宿靄抹半峯間遠近崖嶠如人新沐畢露精采興不可遏遂乘馬沿嶺背爲牛峯遊至則殘雨復落不可登陟小飯天闕丈室徘徊瞻望神遊萬峯之間乃誦杜工部詩曰盪曾生層雲決皆入飛鳥殆爲今設乎雨旣止日亦且暮遂別寺僧出山夫知茲遊值雨爲

勞然情景奇勝亦復相稱乃知憂樂之方得失之跡
固不可以意校也

風雨賦

闕名

高明上覆日月星辰沉潛下載風雨龍神占斗光之
明暗辨日色之初新

黃昏時觀北斗上下左右平日日間視出日上下左
右有無雲氣以定陰晴

魁畔黑雲見沾滋於當夜罡前黃氣主潤澤於來晨
北斗前四星爲魁星後二星名杓第七星名罡

遍掩映而三日

北斗遍被黑雲遮掩主三日內雖旱亦雨
獨溟濛而半旬

斗間一二星有雲氣掩閉主五日內雨黑氣低濃
本夜卽雨

戊己六龍若魚行而大灑

戊辰己巳名曰六龍其日日占日下夜占北斗若
有雲氣蒼潤如魚鱗狀或行斗口主當日或本夜
雨

古今圖書集成
斗間五色如龜動以長津

北斗有五色雲氣如龜龍之形狀又或行動主當日或當夜雨

類南天而炎火同中岳以飄塵

南天者赤色氣北斗中有赤雲氣主旱主熱又曰赤雲蔽日或蔽斗主來日大雨中岳者黃色氣若蔽斗或在日月上下略不廣密主來日大風披拂塵埃之象

杓前白氣而大遭風雨節內丹霞而甚益農人

每月交節炁日侵晨見丹霞之氣主一月風雨順行

六甲晴空一旬竭澱

一甲管十日陰晴若六甲日無雲掩日與斗口則一旬俱晴

雲氣如出五行逐面

凡雲氣看出在何方定雨如東方有雲應甲乙日雨其餘倣此而驗又曰青雲主甲乙日雨東方紅雲主丙丁日雨南方白雲主庚辛日雨西方黑雲

古今圖書集成
主壬癸日雨北方黃雲主戊己日雨中央故看五色雲氣逐方面而致雨也

卯日同甲四方之氣象爲因

謂五卯與六甲日同占

旦夕滋蒼諸干之期程立變

平日占看黑雲在何方如東方應甲乙日雨之類

紫烏白兔降而未升而雨霑

天氣下降地氣未升晝則日色紫夜則月色白皆有陰雨

素日丹蟾升而未降而災旱

天氣未降地氣已升日色白月色赤皆主旱災

陽碧陰綠未交而景色將寒

天氣未降地氣未升日色青碧月色白綠是二氣不交將寒之兆也

奇里耦青未密而虹霓欲見

天氣已降地氣已升二氣相交未密則日黑月青將雨不雨而虹霓將見也

若乃重占卯日雲聚中央寒風冽土樹折四方雨瀉

古今圖書集成
傾頻無之則別主災異

通六甲屈伸之徵凡占六甲五卯日有雲來聚中
央此天地欲寒大風折木主四方昏翳變隨雲氣
必有大雨此天地變動若無雨主別生災沴也
兵賊攢興有之則大起凶殃

甲卯日如前天色若無雨則不止災殃必主盜賊
兵起應在五日之內

斷五音之宮羽

子午時爲宮卯酉爲羽巳亥爲角丑未爲徵辰戌

爲商角屬木徵屬火商屬金羽屬水宮屬土若徵
日徵風時加丑未寅申有火災商日商風時加辰
戌主兵起羽日羽風時加卯酉主大雨宮日宮風
時加子午主國亂角日角風時加巳亥主災病
裁六義之剛柔

六義者六情也如寅午日爲廉真風從南方來主
喜慶樂事己酉日爲寬大風從西來主酒食樂事
丑戌日爲公正風自西南來主報喜相通執事和
悅事申子日爲貪狼風自北來主侵奪財貨賊盜

兵起事亥卯日為陰賊風自東來主七日有陰賊入界偷營劫寨之事辰未日為奸邪風自北來主七日內賊囚虛驚或姦非事如前風性不寒不急又主喜事若昏濁破屋折木揚灰則主凶事

壬子至丁各轄三朝高燥則雲藏數日

壬子癸丑甲寅乙卯丙辰丁巳共六日每一日管三日陰晴假壬子日日日出時有雲氣濃黑蔽日或掩北斗則所管戊午己未庚申三日有雨若無雲氣高燥晴明則此三日晴爽癸丑日管辛酉壬戌

癸亥三日之類並同前斷總計二十四日推詳所管逐日占之有如鳴谷應之不遠也

丙子終辛每管五日低濃則雨徧諸鄉

丙子丁丑戊寅己卯庚辰辛巳共六日每一日管五日晴雨丙子日管壬午癸未甲申乙酉丙戌五日之類並同前斷共三十六日逐日占斗光日色晴雨無差也

連窺天漢蛇經而霧集雲騰累顧銀河猪越而風調雨順

蛇經者謂天河中有雲如蛇經過則主雲霧皆蔽也猪越者如猪形過河也凡天河有雲氣黑潤形如猪蛇來往者主當時期日必雨

無雲掩映當旬之草木不滋有氣侵凌逐限之田園必潤

言天河中及五卯六甲雲氣往來如前斷風雨

黑牛夜半如龍在震以辰期

癸丑日夜半見黑雲氣狀如龍在東方震上者主辰日有雨

青龍辰前似馬當離而午信

甲辰日早辰有雲氣狀如馬形在南方離上者主午日有雨

月初兩曜青黑潤明旬當數雨黃赤乾晴

青黑謂日月色或青或黑潤明謂雲氣潤而明每月初日月青黑則一月內多雨黃赤則一月內多旱初一管上旬初二管中旬初三管下旬

日候孤光雲帶中央而不動日高二丈雨施四面以頻行

古今圖書集成
日候日出時也孤光日光也凡日出時有雲氣如
縷帶橫於日中久而不移不散又或蔽日不見者
主日高三丈雨至若日高一二丈時則主中旬雨
至

朝視東方積土之雲形便瀉暮窺西上累蓋之氣象
尋傾

早看東方有黑雲如積土狀晚看西方有黑雲層
層而起皆主雨

晨候北方雲多黃黑晚望南行雨雷立傾

早起北方有黃黑雲色濕長二里許向南者主壬
癸日雨

躍躍猪氣山奔如七子之期

早起見西北方雲起如猪走上山之形或東北方
者主丙子日雨又曰七子者應在七日之內也

鬱鬱離風乾去似八辰之象

凡早晨北方有雲蒼蒼南風轉西北方主乙卯日
雨或八日內雨也

雲帶橫列寅卯爲甲乙之名

古今圖書集成
若寅卯方有雲帶主甲乙日雨一云寅卯日方見主甲乙日雨

日輪次當辰巳作丙丁之色

日行辰巳方上有雲帶主丙丁日雨

午未之間見雲戊己日以無差坤申之上行雲庚辛日而不易

午未方上見雲帶主戊己日有雨坤西南方也若見雲氣辛庚日雨

若當災旱熒惑少退於河津

火星守天河及河中星子稀少主旱

或遇霖霪辰象曜繫於漢泊

水星守天河及河中星多皆主大雨又主大水

色雲交差赤黑相兼天威雹凍神怒雲霞

旦占五色雲氣交錯赤黑更多往來擾亂此天之威怒必主大雷雹風又曰黃雲少者主多雨

漫灑輕吹遠邇而人君惠重迅飄頓瀉高低而逆主猜嫌君正臣忠先風後雨以祥審上驕下諂始雨終風而禍占鎮逆入河法令急而淋潦熒惑犯木政理

乖而旱災

鎮土星也逆入天河主法令急大雨爲災熒惑火星也若凌犯辰星主旱

明陰陽開闔之節達璿璣運行之數

天地閉塞冬則否驗之亦遲天氣下降地氣上升則泰驗之亦速當看何時又在知星象之文

四仲加變朝中夕半以興雲

四仲子午卯酉也凡四仲年月日時若太乙初移宮有雲掩日青黑明潤必雨朝中午時夕半子時

也

六壬發轉龍水干支而致雨

黃帝六壬占當以月將加月建月朔占神候爲大雨大冲爲小雨

支干兩位非其所以無爲

若支干者氣主爲雨而無雨者是各分方位也如甲齊乙東邊丙楚丁南蠻戊韓魏己中州庚秦辛西戎壬燕癸北方

月宿十精當是方而遍溥

春三月丙丁日夏三月戊己日秋三月壬癸日冬三月甲乙日乃土王用事時庚辛日各月宿十精日不問有無雲氣但逢此日必主大風雨或風雨不應是土王用事時庚辛方應如春三月丙丁方應

金水出入起風霧以連天

金水二星性情不定主風雨又成昏霧又曰金水二星初出初入之日定有風雨

畢月相逢佈雲雷於下土

月犯畢星主雨又曰日月離箕星則多風離畢星則多雨

銅雀屏氣池枯而徵鳥翅張石燕翱翔川溢而商羊鼓舞

銅雀鳥名長安西域有之一鳴則五穀熟屏氣是不鳴也主旱蚘蛛蛇有四翼一名徵鳥凡見處主三年大旱石燕藥名少室山中有之燕飛則主雨齊有一足鳥名商羊若舒翅跳舞則主大雨水災相仍

戴君之德五徵不亂以維新任臣之賢十義無虧而
治舊尊天貴地徵祕法以推誠敬鬼重神握元機而
定譜

欽定古今圖書集成曆象彙編乾象典

第八十二卷目錄

雨部藝文二 詩

喜雨

魏陳思王

苦雨

阮瑀

前題

晉傅元

贈尚書郎顧彥先二首

陸機

霖雨

張載

雜詩

張協

喜雨

宋謝惠連

前題

鮑照

苦雨

前人

觀朝雨

齊謝朓

開霽

梁簡文帝

賦得入塔雨

同前

雨後

同前

行雨

同前

細雨

元帝

庭雨應詔

沈約

張黃門協苦雨

江淹

從駕喜雨

庾肩吾

春暮喜晴酬袁戶曹苦雨

何遜

秋雨臥疾

劉孝綽

和皇太子春林晚雨

劉孝威

望雨

前人

望夕雨

劉苞

擬雨詩

虞騫

對雨

朱超道

閒居對雨二首

陳陰鏗

梅林輕雨應教

張正見

喜雨

北齊魏收

對雨

劉逖

喜晴應詔勅自疏韻

北周庾信

同顏大夫初晴

前人

奉和趙王喜雨

前人

和李司錄喜雨

前人

對雨

前人

喜晴

前人

賦得微雨從東來應教

隋諸葛穎

詠雨

唐太宗

同劉晃喜雨

元宗

中書寓直詠雨簡褚起居上官學士

楊師道

奉和詠雨應詔

許敬宗

祭營逢雨應詔

虞世南

和崔尚書喜雨

張九齡

內題賦得巫山雨

宋之問

雨

李嶠

單于川對雨

蘇味道

聞雨

張說

奉和春日途中喜雨應詔

魏知古

春遊值雨

張旭

山行遇雨

孫逖

和陳監四郎秋雨思從弟據

王維

書事

前人

湖中晚霽

常建

途中晴

孟浩然

對雨

李白

閑齋對雨

韋應物

同德寺雨後寄元侍御李博士

前人

賦得暮雨送李胄

前人

山行積雨歸塗始霽

前人

裴端公使院賦得隔簾見春雨

包何

苦雨奉寄隴西公兼呈王徵士

杜甫

九日寄岑參

前人

晴二首

前人

晚晴

前人

大雨

前人

雨晴

前人

院中晚晴懷西郭茅舍

前人

喜雨

前人

雨

前人

雨

前人

雨二首

前人

秋雨嘆三首

前人

江閣對雨有懷行營裴二端公

前人

陪諸貴公子丈八溝攜妓納涼晚際遇雨二首

前人

對雨書懷走邀許主簿

前人

西閣雨望

前人

對雨

前人

對雨

前人

朝雨

前人

喜雨

前人

村雨

前人

梅雨

前人

春夜喜雨

前人

白水明府舅宅喜雨得過字

前人

夜雨

前人

晨雨

前人

雨

前人

雨

前人

雨

前人

雨四首

前人

江雨有懷鄭典設

前人

遣悶戲呈路十九曹長

前人

崔評事弟許相迎不到應慮老夫見泥雨怯出

必愆佳期走筆戲簡

前人

即事

前人

曲江對雨

前人

復陰

前人

雨晴

前人

雨不絕

前人

立秋日雨院中有作

前人

中丞嚴公雨中垂寄見憶一絕奉答二絕

前人

晚晴

前人

李士曹廳對雨

錢起

登秦嶺半巖遇雨

前人

田園雨後贈鄰人

前人

中書遇雨

前人

泉上雨後作

元季川

雨

戴叔倫

客舍苦雨即事寄錢起郎士元二員外

盧綸

郊居對雨寄趙涓給事包佶郎中

前人

雨中酬友人

前人

宿馮翊夜雨贈主人

李益

谿行逢雨與柳仲庸

李端

詠雨

楊凝

雨夜見投之作

司空曙

寓居武丁館

陳存

秋雨聯句

韓愈

雨後曉行獨至愚溪北地

柳宗元

夏初雨後尋愚溪

前人

梅雨

前人

韋使君黃溪祈雨從行至祠下口號

春雨後	夜雨	夜雨	雨聲	夜雨	霖雨苦多江湖暴漲塊然獨望因題北亭
孟郊	元稹	白居易	前人	前人	前人

陰雨	和韓侍郎苦雨
前人	前人

喜雨

前人

春雨

徐凝

酬任疇協律夏中苦雨見寄

姚合

雨

歐陽衰

晴

雍陶

江上雨寄崔碣

杜牧

雨

前人

苦雨

許渾

滯雨

李商隱

雨

前人

細雨

前人

微雨

前人

夜雨寄北

前人

秋雨

薛能

夏雨

前人

雨

韓琮

咸陽值雨

溫庭筠

細雨

前人

秋雨

前人

春初對暮雨

前人

江亭春霽

李郢

開化寺樓看雨聯句

陸龜蒙

早春微雨

李山甫

長安春雨

羅鄴

雨

章碣

春雨

唐彥謙

雨

韓偓

暴雨

韋莊

晴詩

任翻

春雨二首

李建勳

和判官喜雨

前人

細雨遙懷故人

前人

秋雨

李中

秋雨二首

前人

對雨寄胸山林番明府

前人

乾象典第八十二卷

雨部藝文二 詩

喜雨

魏陳思王

天覆何彌廣苞育此羣生棄之必憔悴惠之則滋榮
慶雲從北來鬱述西南征時雨中夜降長雷周我庭
嘉種盈膏壤登秋畢有成

苦雨

阮瑀

苦雨滋元冬引日彌且長丹墀自殲殪深樹猶沾裳
客行易感悴我心摧已傷登臺望江沔陽侯沛洋洋

苦雨

晉傅元

徂暑未一旬重陽翳朝霞厥初月離畢積日遂滂沱
屯雲結不解長溜周四阿霖雨如倒井黃潦起洪波
湍深激牆隅門庭若決河炊爨不復舉竈中生蛙蝦

贈尚書郎顧彥先

陸機

大火貞朱光積陽熙自南望舒離金虎屏翳吐重陰
淒風迕時序苦雨遂成霖朝游忘輕羽夕息憶重衾
感物百憂生纏綿自相尋與子隔蕭牆蕭牆阻且深
形影曠不接所託聲與音音聲日夜闊何用慰吾心

其二

朝游遊層城夕息旋直廬迅雷中宵激驚電光夜舒
元雲拖朱閣振風薄綺疏豐注溢修雷潢潦浸階除
停陰結不解通衢化為渠沈稼湮梁潁流民沂荆徐
眷言懷桑梓無乃將為魚

霖雨

張載

霏雨餘旬朔濛昧日夜墜何以解愁懷置酒招親類
啾啾絲竹作伶人奏奇祕悲歌結流風逸響迴秋氣

雜詩

張協

古今圖書集成
墨蜈躍重淵商羊舞野庭飛廉應南箕豐隆迎號屏
雲根臨八極雨足灑四溟霖瀝過二旬散漫亞九齡
階下伏泉涌堂上水衣生洪潦浩方割人懷昏墊情
沈夜漱陳根綠葉腐秋莖里無曲突烟路無行輪聲
環堵自頽毀垣閭不隱形尺燼重尋桂紅粒貴瑤瓊
君子守固窮在約不爽貞雖榮田方贈慚爲溝壑名
取志於陵子比足黔婁生

喜雨

宋謝惠連

朱明振炎氣溽暑扇溫颿羨彼明月輝離畢經中宵

思此西郊雲旣雨盈崇朝上天愍憔悴商羊自吟謠

喜雨

鮑照

營社達羣陰屯雲揜積陽河井起龍蒸日魄斂游光
族雲飛泉室震風沈羽鄉升雰浹地維傾潤瀉天潢
平灑周海嶽曲潦溢川莊驚雷鳴桂渚迴涓流玉堂
珍木抽翠條炎卉擢朱芳關市欣九賦京廩開萬箱
無謝堯爲君何用知柏皇

苦雨

連陰積澆灌滂沱下霖亂沈雲日夕昏驟雨淫朝日

古今圖書集成
溪潭走獸稀林寒鳥飛晏密霧冥下溪聚雲屯高岸
野雀無所依羣雞聚空館川梁日已廣懷人邈渺漫
徒酌相思酒空急促明彈

觀朝雨

齊謝朓

朔風吹飛雨蕭條江上來既灑百常觀復集九成臺
空濛如薄霧散漫似輕埃平明振衣坐重門猶未開
耳目暫無擾懷古信悠哉戢翼希驤首乘流畏曝腮
動息無兼遂岐路多徘徊方同戰勝者去剪北山萊

開霽

梁簡文帝

景落商飈靖烟開四郊謐偃蹇暮山虹遊揚峯下日
水紋城上動城樓水中出竟微共治功空臥淮揚秩

賦得人堦雨

同前

細雨堦前入灑砌復沾帷漬花枝覺重濕鳥羽飛遲
儻令斜日照併欲似遊絲

雨後

同前

散絲與山氣忽合復俄晴雷音稍入嶺電影尚連城
雨餘雲猶薄風收熱復生

行雨

同前

古今圖書集成
本 是 巫 山 來 無 人 覩 容 色 惟 有 楚 王 臣 曾 言 夢 相 識

細雨

元帝

風 輕 不 動 葉 雨 細 未 霑 衣 入 樓 如 霧 上 拂 馬 似 塵 飛
庭 雨 應 詔

沈約

出 空 寧 可 圖 入 庭 倍 難 賦 非 烟 復 非 雲 如 絲 復 如 霧
霖 霖 裁 欲 垂 霏 微 不 能 注 雖 無 千 金 質 聊 爲 一 辰 趣

張黃門協苦雨

江淹

丹 霞 蔽 陽 景 綠 泉 涌 陰 渚 水 鸛 巢 層 薨 山 雲 潤 柱 礎
有 滄 興 春 節 愁 霖 貫 秋 序 燮 燮 涼 葉 奪 戾 戾 颶 風 舉

高 談 玩 四 時 索 居 慕 儔 侶 青 苔 日 夜 黃 芳 蕤 成 宿 楚
歲 暮 百 慮 交 無 以 慰 延 佇

從駕喜雨

庾肩吾

西 嶽 浮 樽 桂 東 皇 事 浴 蘭 赦 詔 還 京 兆 歸 神 出 灌 壇
濕 風 含 酒 氣 陰 雲 助 麥 寒 典 農 欣 受 職 治 粟 喜 當 官
復 此 隨 車 雨 民 天 知 可 安

春暮喜晴酬袁戶曹苦雨

何遜

振 衣 喜 初 霽 褰 裳 對 晚 晴 落 花 猶 未 捲 時 鳥 故 餘 聲
春 芳 空 悅 日 游 客 反 傷 情 鄉 園 不 可 見 江 水 獨 自 清

古今圖書集成
願得同攜手歸望對都城

秋雨臥疾

劉孝綽

賈君徭役少潘生民務稀及此同多暇高臥掩重闈
寂寞桑榆晚滂沱噎不晞電隙時光帳風簾乍扣扉

和皇太子春林晚雨

劉孝威

雲樹交爲密雨日共成虹雷舒長男氣枝搖少女風
葉珠隨滴水簷繩下溜空蝶濡飛不颺花沾色更紅
明離信養德能事畢春宮誰堪偶鳳吹唯有浮丘公

望雨

前人

清陰蕩暄濁飛雨入階廊瞻空亂無緒望雷耿成行
交枝含曉潤雜葉帶新光浮芥離還聚沿漚滅復張
浴禽飄落毳風荇散餘香璫綃挂繡幕象簾列華牀
侍童拂羽扇廚人奉盪漿寄言楚臺客雄風詎獨涼

望夕雨

劉苞

崇朝構行雨薄晚屯密雲緣階起素沫竟水散圓文
河柳低未舉山桃落已芬清樽久不薦淹留遂待君

擬雨詩

虞騫

清風送涼氣薄暮蕩炎氛虹照漣漪水電出嗟峩雲

古今圖書集成
落暉散長足細雨織斜文

對雨

朱超道

當夏苦炎埃習靜對花臺
落照依山盡浮涼帶雨來
重雲吐飛電高棟響行雷
灑樹輕花發滴沼細萍開
汎沫縈堦草奔流起砌苔
無因假輕蓋徒然想上才

閒居對雨

陳陰鏗

四溟飛旦雨三徑絕來遊
震位雷聲發離宮電影浮
山雲遙似帶庭葉近成舟
茅簷下亂滴石竇引環流
寄言一高士如何麥不收

又

蘋藻降靈祇聰明諒在斯
觸石朝雲起從星夜月離
入川奔巨壑萬頃溢澄陂
綠野含膏潤青山帶濯枝
嘉禾方合穎秀麥已分岐
寄語紛綸學持竿詎必知

梅林輕雨應教

張正見

梅樹耿長虹芳林散輕雨
蜀郡隨仙去陽臺帶雲聚
飄花更濯枝潤石還侵柱
詎得零陵燕隨風時共舞

喜雨

北齊魏收

霞暉染刻棟礎潤上雕楹
神山千葉照仙草百花榮

古今圖書集成
瀉溜高齋響添池曲岸平滴下如珠落波迴類壁成
氣調登萬里年和欣百靈定知丹甌出何須銅雀鳴

對雨

劉逖

重輪宵犯畢行雨且浮空細落疑含霧斜飛覺帶風
濕槐仍足綠沾桃更上紅無由似元豹縱意坐山中

喜晴應詔勅自疏韻

北周庾信

御辨誠膺籙維皇稱有建雷澤昔經漁負夏時從販
柏梁驂駟馬高陵馳六傳有序屬賓連無私表平憲
河堤崩故柳秋水高新堰心齋愍昏墊樂徹憐胥怨

禪河秉高論法輪開勝辯王城水鬪息洛浦河圖獻
伏泉還習坎歸風已回巽桐枝長舊圍蒲節抽新寸
山藪欣藏疾幽棲得無悶有慶兆民同論年天子萬

同顏大夫初晴

前人

夕陽含水氣反景照河堤濕花飛未遠陰雲斂向低
燕燥還爲石龍殘更是泥香泉酌冷澗小艇釣蓮溪
但使心齊物何愁物不齊

奉和趙王喜雨

前人

元霓臨日谷封蟻對雲臺投壺欲起電倚柱稍驚雷

古今圖書集成
白沙如濕粉蓮花類洗杯驚鳥灑翼度濕鴈斷行來
浮橋七星起高堰六門開猶言祀蜀帝卽似望荆臺
厥田終上上原野自莓莓

和李司錄喜雨

前人

純陽實久亢雲漢乃昭回臨河沈璧玉夾道畫龍媒
離光初繞電震氣始乘雷海童還碣石神女向陽臺
雲逐魚鱗起渠隨龍骨開崩沙雜水去臥樹擁槎來
嘉苗雙合穎熟稻再含胎屬此欣膏露逢君摛揆才
愧乏瓊將玖無酬美且俚

又對雨

前人

繁雲猶暗嶺積雨未開庭階含侵角路鑊滿溜疏萍
濕楊生細樾爛草變初螢徒勞看蟻封無事祀靈星

喜晴

前人

比日思光景今朝始暫逢雨住便生熱雲晴卽作峯
水白澄還淺花紅燥更濃已歡無石燕彌欲棄泥龍
賦得微雨從東來應教
隋諸葛穎

微雨閣東峯散漫洒長松澗滿新流濁山霑積翠濃
風起還吹燕雲來本送龍登年隨玉燭名山定可封

詠雨

唐太宗

和風吹綠野梅雨灑芳田
新流添舊澗宿霧足朝煙
鴈濕行無次花霑色更鮮
對此欣登歲披襟弄五絃

同劉晃喜雨

元宗

節變寒初盡時和氣已春
繁雲先合寸膏雨自依旬
颯颯飛平野霏霏靜暗塵
懸知花葉意朝夕望中新

中書寓直詠雨簡褚起居上官學士

楊師道

雲暗蒼龍闕沈沈殊未開
牕臨鳳凰沼颯颯雨聲來

電影入飛閣風威凌吹臺
長簷響奔溜清簟肅浮埃
早荷葉稍沒新篁枝半摧
茲晨悵多緒懷友自難裁
况復重城內日暮獨徘徊
玉階良史筆金馬挾天才
高甍通散騎複道駕蓬萊
思君贈桃李于此冀瓊瓌

奉和詠雨應詔

許敬宗

舞商初赴節湘燕遠迎秋
飄絲交殿網亂滴起池漚
激溜分龍闕斜飛灑鳳樓
崇朝方浹寓宸盼俯凝旒

發營逢雨應詔

虞世南

豫遊欣勝地皇澤乃先天
油雲陰御道膏雨潤公田

隴麥霑逾翠山花濕更然稼穡良所重方復悅豐年

和崔尚書喜雨

張九齡

積陽雖有晦經月未爲災上念人天重先祈雲漢回
仁心及草木號令起風雷照爛陰霞止交紛瑞雨來
三辰被黍稷四遠屏氛埃池溜因添滿林芳爲灑開
聽中聲滴瀝望處影徘徊惠澤成豐歲昌言發上才
無論驗石鼓不是御雲臺直頌皇恩浹崇朝遍九垓

內題賦得巫山雨

宋之問

神女向高唐巫山下夕陽徘徊作行雨婉戀逐荆王

電影江前落雷聲峽外長霽雲無處所臺館曉蒼蒼

雨

李嶠

西北雲膚起東南雨足來靈童出海見神女向山迴
斜影風前合圓文水上開十旬無破塊九土信康哉

單于川對雨

蘇味道

飛雨欲迎旬浮雲已送春還從濯枝後來應洗兵辰
氣合龍祠外聲過鯨海濱伐邢知有屬已見靜邊塵

聞雨

張說

多雨絕塵事寥寥入太元城陰疎復合簷滴斷還連

古今圖書集成
念我勞造化從來五十年悞將心徇物近得還自然
閒居草木侍虛室鬼神憐有時進美酒有時汎清絃
聲真不世識心醉豈言詮

奉和春日途中喜雨應詔

魏知古

皇輿向洛城時雨應天行麗日登岩送陰雲出野迎
濯枝林杏發潤葉渚蒲生絲入綸言喜花依錦字明
微臣忝東觀載筆佇西成

春遊值雨

張旭

欲尋軒檻倒清樽江上烟雲向晚昏須倩東風吹雨

散明朝却待入花園

山行遇雨

孫逖

驟雨晝氤氳空天望不分暗山唯覺電窮海但生雲
涉澗猜行潦緣崖畏宿氛夜來江月霽權唱此中聞
和陳監四郎秋雨思從弟據

王維

嫋嫋秋風動淒淒煙雨繁聲連鷓鴣觀色暗鳳凰原
細柳疎高閣輕槐落洞門九衢行欲斷萬井寂無喧
忽有愁霖唱更陳多露言平原思令弟康樂謝賢昆
逸興方三接衰顏強七奔相如今老病歸守茂陵園

書事

前人

輕陰閣小雨深院晝慵開坐看蒼苔色欲上人衣來

湖中晚霽

常建

湖廣舟自輕江天欲澄霽是時清楚望氣色猶霾翳
脚躡金霞白波上日初麗煙虹落鏡中樹木生天際
杳杳涯欲辨蒙蒙雲復閉言乘星漢明又覩寰瀛勢
微興遂此愜悠然不知歲試歌滄浪清遂覺乾坤細
豈念客衣薄將期末投袂遲迴漁父間一鴈聲嘹唳

途中晴

孟浩然

已失巴陵雨猶逢蜀坂泥天開斜景遍山出晚雲低
餘濕猶霑草殘流尚入谿今宵有明月鄉思遠悽悽

對雨

李白

卷簾聊舉日露濕草綿芊古岫藏雲毳空庭織碎煙
水紋愁不起風線重難牽盡日扶犁叟往來江樹前
閒齋對雨

韋應物

幽獨自盈抱陰淡亦連朝空齋對高樹疎雨共蕭條
幕燕翻泥濕蕙花依砌消端居念往事倏忽若驚鷗
同德寺雨後寄元侍御李博士

前人

川上風雨來須臾滿城闕峒峒青蓮界蕭條孤興發
前山遠已淨陰靄夜來歇喬木生夏涼流雲吐華月
巖城自有限一水非難越相望曙河遠高齋坐超忽

賦得暮雨送李胄一作渭

前人

楚江微雨裏建業暮鐘時漠漠帆來重冥冥鳥去遲
海門深不見浦樹遠含滋相送情無限沾襟比散絲

山行積雨歸塗始霽

前人

攬轡窮登降陰雨遘二旬但見白雲合不覩巖中春
急溜豈易揭峻途良難遵深林猿聲冷沮洳虎跡新

始霽升陽景山水閱清晨雜花積如霧百卉淒已陳
鳴騶屢驤首歸路自欣欣

裴端公使院賦得隔簾見春雨

包何

細雨未成霖垂簾但覺陰唯看上砌濕不遣入簷深
度隙霑霜簡因風潤綺琴須移戶外屨簷溜夜相侵

苦雨奉寄隴西公兼呈王徵士

杜甫

今秋乃淫雨仲月來寒風羣木水光下萬家雲氣中
所思礙行潦九里信不通悄悄素澹路迢迢天漢東
願騰六尺馬背若孤征鴻劃見公子面超然歡笑同

奮飛既胡越局促傷樊籠一飯四五起憑軒心力窮
嘉蔬沒溷濁時菊碎榛叢鷹隼亦屈猛烏鳶何所蒙
式瞻北鄰居取適南巷翁挂席釣川漲焉知清興終
九日寄岑參
前人

出門復入門雨脚但如舊所向泥活活思君令人瘦
沈吟坐西軒飲食錯昏晝寸步曲江頭難爲一相就
吁嗟乎蒼生稼穡不可救安得誅雲師疇能補天漏
大明韜日月曠野號禽獸君子強逶迤小人困馳驟
維南有崇山恐與川浸溜是節東籬菊紛披爲誰秀

岑生多新詩性亦嗜醇酎采采黃金花何由滿衣袖

晴二首

前人

久雨巫山暗新晴錦繡文碧知湖外草紅見海東雲
竟日鶯相和摩霄鶴數羣野花乾更落風處急紛紛

二

啼鳥爭引子鳴鶴不歸林下食遭泥去高飛恨久陰
雨聲衝塞盡日氣射江深回首周南客驅馳魏闕心

晚晴

前人

晚照斜初徹浮雲薄未歸江虹明遠飲峽雨落餘飛

古今圖書集成
鳧鴈終高去熊羆覺自肥秋分客尚在竹露夕微微

大雨

前人

西蜀冬不雪春農尚嗷嗷上天回哀眷朱夏雲鬱陶
執熱乃沸鼎織絺成緼袍風雷颯萬里霈澤施蓬蒿
敢辭茅屋漏已喜黍豆高三日無行人二江聲怒號
流惡邑里清矧茲遠江臯荒庭步鶴鶴隱几望波濤
沈疴聚藥餌頓忘所進勞則知潤物功可以貸不毛
陰色靜隴畝勸耕自官曹四鄰出耒耜何必吾家操

雨晴

前人

天際秋雲薄從西萬里風今朝好晴景久雨不妨農
塞柳行疎翠山梨結小紅胡笳樓上發一鴈入高空

院中晚晴懷西郭茅舍

前人

幕府秋風日夜清澹雲疎雨過高城葉心朱實堪時
落階面青苔先自生復有樓臺銜暮景不勞鐘鼓報
新晴浣花谿裏花饒笑肯信吾兼吏隱名

喜雨

前人

春旱天地昏日色赤如血農事都已休兵戈况騷屑
巴人困軍須慟哭厚土熱滄江夜來雨真帝罪一雪

古今圖書集成
穀根少蘇息沴氣終不滅何由見寧歲解我憂思結
崢嶸羣山雲交會未斷絕安得鞭雷公滂沱洗吳越

雨

前人

山雨不作泥江雲薄爲霧晴飛半嶺鶴風亂平沙樹
明滅洲景微隱見巖姿露拘閤出門遊曠絕經日趨
消中日伏枕臥久塵及屨豈無平肩輿莫辨望鄉路
兵戈浩未息蛇虺反相顧悠悠邊月破鬱鬱流年度
針灸阻朋曹糠粃對童孺一命須屈色新知漸成故
窮荒益自卑飄泊欲誰訴尫羸愁應接俄頃恐違迂

浮俗何萬端幽人有高步龐公竟獨往尚子終罕遇
宿留洞庭秋天寒瀟湘素杖策可入舟送此齒髮暮

雨

前人

行雲遞崇高飛雨靄而至潺潺石間溜汨汨松上駛
亢陽乘秋熱百穀皆已棄皇天德澤降焦卷有生意
前雨傷卒暴今雨喜容易不可無雷霆間作鼓增氣
佳聲達中宵所望時一致清霜九月天髣髴見滯穗
郊扉及我私我圃日蒼翠恨無抱甕力庶減臨江費

雨二首

前人

古今圖書集成
青山淡無姿白露誰能數片片水上雲蕭蕭沙中雨
殊俗狀巢居層臺附風渚佳客適萬里沈思情延佇
掛帆遠色外驚浪滿吳楚久陰蛟螭出寇盜復幾許

二

空山中宵陰微冷先枕席迴風起清曙萬象萋已碧
落落出岫雲渾渾倚天石日假何道行雨含長江白
連檣荊州船有士荷矛戟南防草鎮慘霑濕赴遠役
羣盜下辟山總戎備強敵水深雲光廓鳴櫓各有適
漁艇息悠悠夷歌負樵客留滯一老翁書時記朝夕

又秋雨嘆三首

前人

雨中百草皆爛死堦下決明顏色鮮著葉滿枝翠羽
蓋開花無數黃金錢涼風蕭蕭吹汝急恐汝後時難
獨立堂上書生空白頭臨風三嗅馨香泣

二

闌風伏雨秋紛紛四海八荒同一雲去馬來牛不復
辨濁涇清渭何當分禾頭生耳黍穗黑農夫田父無
消息城中斗米換衾裯相許寧論兩相直

三

古今圖書集成
長安布衣誰比數反鎖衡門守環堵老夫不出長蓬蒿稚子無憂走風雨雨聲颼颼催早寒胡鴈翅濕高飛難秋來未曾見白日泥汚后土何時乾

江閣對雨有懷行營裴二端公 前人

南紀風濤壯陰晴屢不分野流行地日江入度山雲層閣憑雷殷長空面水文雨來銅柱北應洗伏波軍

陪諸貴公子丈八溝攜妓納涼晚際遇雨二首

前人

落日放船好輕風生浪遲竹深留客處荷淨納涼時

公子調冰水佳人雪藕絲片雲頭上黑應是雨催詩

二

雨來霑席上風急打船頭越女紅裙濕燕姬翠黛愁
纜侵堤柳繫幔卷浪花浮歸路翻蕭颯陂塘五月秋
對雨書懷走邀許主簿 前人

東嶽雲峰起溶溶滿太虛震雷翻幕燕驟雨落河魚
座對賢人酒門停長者車相邀愧泥濘騎馬到堦除

西閣雨望 前人

樓雨霑雲幔山寒著水城逕添沙面出湍減石稜生

古今圖書集成
菊蘂凄疎放松林駐遠情滂沱朱檻濕萬慮傍簷楹

對雨

前人

莽莽天涯雨江邊獨立時不愁巴道路恐濕漢旌旂
雪嶺防秋急繩橋戰勝遲西戎甥舅禮不敢背恩私

朝雨

前人

涼氣曉蕭蕭江雲亂眼飄風鴛藏近渚雨燕集深條
黃綺終辭漢巢由不見堯草堂樽酒在幸得過清朝

喜雨

前人

南國旱無雨今朝江出雲入空纔漠漠灑迴已紛紛

巢燕高飛盡林花潤色分晚來聲不絕應得夜深聞

村雨

前人

雨聲傳兩夜寒事颯高秋挈帶看朱紱開箱覩黑裘
世情只益睡盜賊敢忘憂松菊新霑洗茅齋慰遠遊

梅雨

前人

南京犀浦道四月熟黃梅湛湛長江去冥冥細雨來
茅茨疎易濕雲霧密難開竟日蛟龍喜盤渦與岸迴

春夜喜雨

前人

好雨知時節當春乃發生隨風潛入夜潤物細無聲

古今圖書集成
野徑雲俱黑江船火獨明曉看紅濕處花重錦官城
白水明府舅宅喜雨得過字 前人

吾舅政如此古人誰復過碧山晴又濕白水雨偏多
精禱既不昧歡娛將謂何湯年旱頗甚今日醉絃歌

夜雨

前人

小雨夜復密回風吹早秋野涼侵閉戶江滿帶維舟
通籍恨多病爲郎忝薄遊天寒出巫峽醉別仲宣樓

晨雨

前人

小雨晨光內初來葉上聞霧交纔灑地風逆旋隨雲

暫起柴荆色輕霑鳥獸羣麝香山一半亭午未全分

雨

前人

萬木雲深隱連山雨未開風扉掩不定水鳥去仍回
鮫館仍鳴杼樵舟豈伐枚清涼破炎毒衰意欲登臺

雨

前人

冥冥甲子雨已度立春時輕箠煩相向纖絺恐自疑
煙添纔有色風引更如絲直覺巫山暮兼催宋玉悲

雨

前人

始賀天休雨還嗟地出雷驟看浮峽過密作渡江來

古今圖書集成
牛馬行無色蛟龍鬪不開干戈盛陰氣未必自陽臺

雨四首

前人

微雨不滑道斷雲疎復行紫崖奔處黑白鳥去邊明
秋日新霑影寒江舊落聲柴扉臨野碓半濕搗香秔

二

江雨舊無時天晴忽散絲暮秋霑物冷今日過雲遲
上馬迴休出看鷗坐不辭高軒當灑瀕潤色靜書帷

三

物色歲將晏天隅人未歸朔風鳴淅淅寒雨下霏霏

多病久加飯衰容新授衣時危覺凋喪故舊短書稀

四

楚雨石苔滋京華消息遲山寒青兕叫江晚白鷗饑
神女花鈿落鮫人織杼悲繁憂不自整終日灑如絲

江雨有懷鄭典設

前人

春雨閣閣寒峽中早晚來自楚王宮亂波分披已打
岸弱雲狼籍不禁風寵光蕙葉與多碧點注桃花舒
小紅谷口子真正憶汝岸高瀼滑任西東

遣悶戲呈路十九曹長

前人

江浦雷聲喧昨夜春城雨色動微寒黃鸝並坐交愁
濕白鷺羣飛大劇乾老去漸於詩律細誰家數去酒
杯寬知君最愛清狂客百遍相過意未闌

崔評事弟許相迎不到應慮老夫見泥雨怯出

必憊佳期走筆戲簡

前人

江閣邀賓許馬迎午時起坐自天明浮雲不負青春
色細雨何孤白帝城身過花間霑濕好醉于馬上往
來輕虛疑皓首衝泥怯實少銀鞍傍險行

卽事

前人

暮春三月巫峽長晶晶行雲浮日光雷聲忽送千峰
雨花氣渾如百和香黃鶯過水翻迴去燕子銜泥濕
不妨飛閣捲簾圖畫裏虛無只少對瀟湘

曲江對雨

前人

城上春雲覆苑牆江亭晚色靜年芳林花著雨臙脂
濕水荇牽風翠帶長龍武新軍深駐輦芙蓉別殿漫
焚香何時詔此金錢會暫醉佳人錦瑟傍

復陰

前人

方冬合沓元陰塞昨日晚晴今日黑萬里飛蓬映天

古今圖書集成
過孤城樹羽揚風直江濤簸岸黃沙走雲雪埋山蒼
兕吼君不見夔子之國杜陵翁牙齒半落左耳聾

雨晴

前人

雨時山不改晴罷峽如新天路看殊俗秋江思殺人
有猿揮淚盡無犬附書頻故國愁思外長歌欲損神

雨不絕

前人

鳴雨既過漸細微映空搖颺如絲飛階前短草泥不
亂院裏長條風乍稀舞石旋應將乳子行雲莫自濕
仙衣眼邊江舸何匆促未得安流逆浪歸

立秋日雨院中有作

前人

山雲行絕塞大火復西流飛雨動華屋蕭蕭梁棟秋
窮途媿知己暮齒借長籌已費清晨謁那成長者謀
解衣開北戶高枕對南樓樹濕風涼進江喧水氣浮
禮寬心有適節爽病微瘳主將歸調鼎吾還訪舊丘
中丞嚴公雨中垂寄見憶一絕奉答二絕

前人

雨映行宮辱贈詩元戎肯赴野人期江邊老病雖無
力强擬晴天理釣絲

二

何日雨晴雲出溪白沙青石洗無泥只須伐竹開荒
徑拄杖穿花聽馬嘶

晚晴

前人

村晚驚風度庭幽過雨霑夕陽薰細草江色映疎簾
書亂誰能帙杯乾自可添時聞有餘論未怪老夫潛

李士曹廳對雨

錢起

春雨暗重城訟庭深更寂終朝人吏少滿院煙雲積
濕鳥壓花枝新苔宜砌石掾曹富文史清興對詞客

愛爾蕙蘭叢芳香飽時澤

登秦嶺半巖遇雨

前人

屏翳忽騰氣浮陽慘無暉千峯挂飛雨百尺搖翠微
震電閃雲徑奔雷翻石磯倚巖假松蓋臨水羨荷衣
不得采苓去空思乘月歸且憐東臯上黍色侵荆扉

田園雨後贈鄰人

前人

安排常任性偃臥晚開戶樵客荷蓑歸向來春山雨
殘雲虹未落返照霞初吐時鳥鳴村墟新泉遶林圃
堯年尚恬泊鄰里成太古室邇人遂遙相思怨芳杜

中書遇雨

前人

濟旱惟宸慮為霖即上台雲銜七曜起雨拂九門來
綸閣飛絲度龍渠激雷迴色翻池上藻香裒鼎前杯
湘燕皆舒翼沙鱗豈曝腮尺波應萬假虞海載沿洄

泉上雨後作

元季川

風雨蕩繁暑雷息佳霽初衆峯帶雲色清氣入我廬
颯颯涼飈來臨窺愜所圖綠蘿長新蔓裊裊垂坐隅
流水復簷下丹砂發清渠養葛為我衣種芋為我蔬
誰是畹與畦瀾漫連野蕪

雨

戴叔倫

歷歷愁心亂迢迢獨夜長春帆江上雨曉鏡鬢邊霜
啼鳥雲山靜落花溪水香家人亦念我與汝黯相忘
客舍苦雨即事寄錢起郎士元二員外

盧綸

積雨暮淒淒羈人狀鳥棲響空宮樹接覆水野雲低
穴蟻多隨草巢蜂半墜泥遶池牆蘚合擁溜瓦松齊
舊圃平如海新溝曲似溪壞蘭畱衆蝶敲棟止羣雞
莠盛終無實槎枯遂有萸綠萍藏廢井黃葉隱危堤

古今圖書集成
閭里歡將絕朝昏望亦迷不知霄漢侶何路可相攜
郊居對雨寄趙涓給事包佶郎中 前人

暑雨青山裏隨風到野居亂漚浮曲砌懸溜響前除
塵鏡愁多掩蓬頭嬾更梳夜牕淒枕席陰壁潤圖書
蕭颯宜新竹龍鍾拾野蔬石泉空自咽藥圃不堪鋤
濁水淙深轍荒蘭擁敗渠繁枝畱宿鳥碎浪出寒魚
桑屐時登望荷衣自卷舒應憐在泥滓無路託高車
雨中酬友人 前人

看山獨行歸竹院水遶前堦草生遍空林細雨暗無

聲唯有愁心兩相見

宿馮翊夜雨贈主人

李益

危心驚夜雨起望漫悠悠氣耿殘燈暗聲繁高樹秋
涼軒辭夏扇風幌攬輕綈思緒蓬初斷歸期燕暫畱
關山藹已失臉淚迸難收賴君時一笑方能解四愁
谿行逢雨與柳仲庸 李端

日落衆山昏蕭蕭暮雨繁那堪兩處宿共聽一聲猿

詠雨

楊凝

塵泥多人路泥歸足燕家可憐繚亂點濕盡滿宮花

雨夜見投之作

司空曙

出戶繁星盡池塘暗不開動衣涼氣度造樹遠聲來
燈外初行電城隅偶隱雷因知謝文學曉望比塵埃
寓居武丁館 陳存

暑雨颯已過涼飈觸幽襟虛館無喧塵綠槐多晝陰
俯視古苔積傾聆早蟬吟放卷一長想閉門千里心

秋雨聯句

韓愈

萬木聲號呼百川氣交會孟郊庭翻樹離合牖變景明
藹愈深瀉殊未終飛浮亦云泰郊牽懷到空山屬聽

邈驚瀨愈檐垂白練直渠漲清湘大郊甘津澤祥禾

伏潤肥荒艾愈主人吟有歡客子孤無奈郊侵陽日

沈元剝節風搜兌愈塊坵遊峽喧颼颼臥江汰郊微

飄來枕前高灑自天外愈蜚穴何迫迮蟬枝埽鳴噦

援菊茂新芳徑蘭銷晚馥愈地鏡時昏曉池星競

漂沛郊謹呶尋一聲灌注泫羣籟愈儒宮煙火濕市

舍煎熬忤郊臥冷空避門衣寒屢循帶愈水怒已倒

流陰繁恐凝害郊憂魚思舟楫感禹勤畎澮愈懷襄

信可畏疏決須有賴郊筮命或馮著卜晴將問蔡愈

庭商忽驚舞墉祭亦親酌郊氛醞稍疎映雲亂還擁
 蒼陰旌時摻流帝鼓鎮甸磕棗圃落青瓊瓜畦爛文
 貝貧薪不燭竈富粟空填膾愈秦俗動言利魯儒欲
 何句深路倒羸驂弱途擁行軼毛羽皆遭凍離襪不
 能翩翻浪洗虛空傾濤敗藏蓋郊吾人猶在陳僮僕
 誠自鄙因思征蜀士未免溼戎旆安得發商飈廓然
 吹宿靄白日懸大野幽泥化輕塹戰場暫一乾賊肉
 行可膾愈搜心思有效抽策期稱最豈惟慮收穫亦
 以救顛沛郊禽情初嘯儔礎色微收霈庶幾諧我願

遂止無已太愈

雨後曉行獨至愚溪北池

柳宗元

宿雲散洲渚曉日明村塢高樹臨清池風驚夜來雨
予心適無事偶此成賓主

夏初雨後尋愚溪

前人

悠悠雨初霽獨繞清溪曲引杖試荒泉解帶圍新竹
沈吟亦何事寂寞固所欲幸此息營營嘯歌靜炎燠

梅雨

前人

梅實迎時雨蒼茫值晚春愁深楚猿夜夢斷越鷄晨

古今圖書集成
海霧連南極江雲暗北津素衣今盡化非爲帝京塵
韋使君黃溪祈雨從行至祠下口號

前人

驕陽愆歲事良牧念菑畲列騎低殘月鳴笳度碧虛
稍窮樵客路遙駐野人居谷口寒流淨叢祠古木疎
焚香秋露濕奠玉曉光初盼蠻巫言報精誠禮物餘
惠風仍偃草靈雨會隨車俟罪非真吏翻慙奉簡書

春雨後

孟郊

昨夜一霎雨天意蘇羣物何物最先知虛庭草爭出

夜雨

元稹

水怪潛幽草江雲擁廢居雷驚空屋柱電照滿牀書
竹瓦風頻裂茅檐雨漸疎平生滄海意此去怯爲魚

雨聲

前人

風吹竹葉休還動雨點荷心暗復明會向西江船上
宿慣聞寒夜滴篷聲

夜雨

白居易

早蛩啼復歇殘燈滅又明隔窻知夜雨芭蕉先有聲
霖雨苦多江湖暴漲塊然獨望因題北亭

前人

自作潯陽客無如苦雨何陰昏晴日少閒悶睡時多
湖闊將天合雲低與水和籬根舟子語巷口釣人歌
霧島沈黃氣風帆蹙白波門前車馬道一宿變江河

陰雨

前人

嵐霧今朝重江山此地深灘聲秋更急峽氣曉多陰
望闕雲遮眼思鄉雨滴心將何慰幽獨賴此北窻琴

和韓侍郎苦雨

前人

潤氣凝柱礎繁聲注瓦溝閭留窻不曉涼引簟先秋

葉濕蠶應病泥稀燕亦愁仍聞放朝夜誤出到街頭

喜雨

前人

圃旱憂葵堇農旱憂禾菽人各有所私我早憂松竹
松乾竹焦死眷眷在心目灑葉漑其根汲水勞僮僕
油雲忽東起涼雨淒相續似面洗垢塵如頭得膏沐
千柯習習潤萬葉欣欣綠千日澆灌功不如一霖霖
方知宰生靈何異活草木所以聖與賢同心調玉燭

春雨

徐凝

花時悶見聯綿雨雲入人家水毀堤昨日春風源上

古今圖書集成
路可憐紅錦在拋泥

酬任疇協律夏中苦雨見寄

姚合

銀漢波瀾溢經旬雨未休細聽宜隔牖遠望憶高樓
風急飄還斷雲低落更稠走童驚掣電飢鳥啄浮漚
絲網張空際蛛繩續瓦溝青蛙多入戶潢潦欲勝舟
雷怒疑山破池渾似土流灰人漫禳厭水馬恣沈浮
廣陌應翻浪貧居恐作湫陽精藏不耀陰氣盛難收
遠色重林暮繁聲四壁秋望晴思見日防冷欲披裘
枕潤眠還嬾車羸出轉憂散空煙漠漠迸溜竹修修

樹暗蟬吟咽巢傾燕語愁琴書涼簟淨燈燭夜窻幽
天下那能向龍邊豈易求濕煙凝竈額荒草覆牆頭
酒思淒方罷詩情耿始抽下牀先仗屐汲井恐飄甌
危坐徒相憶佳期未有由勞君寄新什終日不能酬

雨

歐陽袞

細雨弄春陰餘寒入晝深山姿輕薄霧煙色澹幽林
鹿踐莓苔滑魚牽水荇沈懷情方未已清酒漫須斟

晴

雍陶

晚虹斜日塞天昏一半山川帶雨痕新水亂侵青草

古今圖書集成
路殘煙猶傍綠楊村胡人羊馬休南牧漢將旌旗在北門行子喜聞無戰伐閒看游騎獵秋原

江上雨寄崔碣

杜牧

春半平江雨圓文破蜀羅聲眠篷底客寒濕釣來蓑暗澹遮山遠空濛著柳多此時懷舊恨相望意如何

雨

前人

連雲接塞添迢遞灑幕侵燈送寂寥一夜不眠孤客耳主人窗外有芭蕉

苦雨

許渾

江昏山半晴南阻絕人行葭菼連雲色松杉共雨聲早秋仍燕舞深夜更鼉鳴爲報迷津客訛言未可輕

滯雨

李商隱

滯雨長安夜殘燈獨客愁故鄉雲水地歸夢不宜秋雨
前人

撼撼度瓜園依依傍竹軒秋池不自冷風葉共成喧
前人

細雨

前人

蕭灑傍回汀依微過短亭氣涼先動竹點細未開萍

古今圖書集成
稍促高高燕微疎的的螢故園煙草色仍近五門青

微雨

前人

初隨林靄動稍共夜涼分
牕迴侵燈冷庭虛近水聞

夜雨寄北

前人

君問歸期未有期巴山夜雨漲秋池
何當共剪西牕燭却話巴山夜雨時

秋雨

薛能

宿雨覺纔初亭林忽復徐
簇聲諸樹密懸滴四簷疎
省漏疑方丈愁炊問斗儲
步難多入屐牕淺欲飄書

動蠖蒼苔靜藏蠶落葉虛吹交來翁習雷慢歇躊躇
滯已妨行路晴應好荷鋤醉樓思蜀客鯉市想淮魚
逕草因緣合欄花自此除有形皆霹靂無地不汗瀦
境晦宜甘寢風清愜退居我魂驚曉簟鄰話喜秋蔬
既用功成歲旋應慘變舒倉箱足可恃歸去做吾廬

夏雨

前人

何處發天涯風雷一道賒去聲
隨地急殘勢傍樓斜
透樹垂紅葉霑塵帶落花
瀟湘無限思閒看下蒹葭

雨

韓琮

古今圖書集成
陰雲拂地散絲輕長得爲霖濟物名夜浦漲歸天塹
闊春風灑入御溝平軒車幾處歸頻濕羅綺何人去
欲生不及流他荷葉上似珠無數轉分明

咸陽值雨

溫庭筠

咸陽橋上雨如懸萬點空濛隔釣船還似洞庭春水
色晚雲將入岳陽天

細雨

前人

憑軒望秋雨涼入暑衣清極日鳥頻沒片時雲復輕
沼萍開更斂山葉動還鳴楚客秋江上蕭蕭故國情

秋雨

前人

雲滿烏行滅池涼龍氣腥斜飄看棊簞疎灑望山亭
細響鳴林葉圓文破沼萍秋陰杳無際平野但冥冥
春初對暮雨
前人

浙瀝生叢篠空濛泣網軒暝姿看遠樹春意入塵根
點細飄風急聲輕入夜繁雀喧爭槿樹人靜出蔬園
瓦濕光先起房深影易昏不應江上草相與滯王孫

江亭春霽

李郢

江籬漠漠荇田田江上春雲霽景鮮蜀客帆檣背歸

鷲楚山花木怨啼鵲春風掩映千門柳曉色淒涼萬
井煙金磬泠泠水南寺上方僧室翠微連

開化寺樓看雨聯句

陸龜蒙

海上風雨來掀轟雜飛電登樓一凭檻滿眼蛟龍戰

龜蒙須臾造化慘倏忽堪與變萬戶響戈鋌千家披組

練皮日羣飛拋輪石雜下攻城箭點急似摧曾行斜

如中面龜蒙細灑魂空冷橫飄日能眩垂檐珂珮喧掣

瓦珠璣濺日無言九陔遠瞬息馳應徧密處正垂紉

微時又懸綫龜蒙寫作玉界破吹為羽林旋翻傷列缺

勞却怕豐隆倦日遙瞻山露色漸覺雲成片遠樹欲

鳴蟬深檐尚藏燕龜蒙殘雷隱轉盡反照依微見天光

潔似磨湖彩熟於練日疎帆逗前渚晚磬分涼殿接

思強揮毫窺詞幾焚研龜蒙佶栗烏皮几輕明白羽扇

畢景好疎吟餘涼可清宴日君攜下高磴僧引還深

院駁蘚淨鋪筵低松濕垂鬚龜蒙齋明乍虛豁林霽逾

葱蒨早晚重登臨欲去多離戀日

早春微雨

李山甫

怪來鶯蝶似疑愁不覺看花暫濕頭疎影未藏千里

樹遠陰微翳萬家樓青羅舞袖紛紛轉紅臉啼珠旋
旋收歲旱且須教濟物爲霖何事愛風流

長安春雨

羅鄴

兼風颯颯灑皇州能滯輕寒阻勝遊半夜五侯池館
裏美人驚起爲花愁

雨

章碣

低著煙花漠漠輕正堪吟坐掩柴扃亂沾細網垂窮
巷斜送陰雲入古廳鎖却暮愁終不散添成春醉轉
難醒霽來還有風流事重染南山一遍青

春雨

唐彥謙

綺陌夜來雨春樓寒望迷遠容迎燕戲亂響隔鶯啼
有恨開蘭室無言對李蹊花敲渾拂檻柳重欲垂堤
燈檠昏魚目薰爐咽麝臍別輕天北鶴夢怯汝南雞
入戶侵羅幌梢簷潤繡題新豐樹已失長信草初齊
亂蝶寒猶舞驚鳥暝不栖庾郎盤馬地却怕有春泥

雨

韓偓

坐來簌簌山風急山雨隨風暗原隰樹帶繁聲出竹
聞溪將大點穿籬入餉婦寥翹布領寒牧童擁腫蓑

衣濕此時高味共誰論擁鼻吟詩空佇立

暴雨

韋莊

江村入夜多雷雨曉作狂霖晚又晴波浪不知深幾
許南湖今與北湖平

晴詩

任翻

楚國多春雨柴門喜晚晴幽人臨水坐好鳥隔花鳴
野色連空闊江流接海平門前向溪路今夜月分明
春雨二首 李建勳

春霖未免妨遊賞唯到詩家自有情花徑不通新草

合蘭舟初動曲池平淨綠高樹莓苔色飢集虛廊燕
雀聲閒憶昔年為客處悶畱山館阻行行

二

蕭蕭春雨密還疎景象三時固不如寒入遠林鶯翅
重暖抽新麥土膏虛細濛臺榭微兼日潛漲漣漪欲
動魚唯稱乖慵多睡者掩門中酒覽閒書

和判官喜雨

前人

去禱山川尚未還雲雷尋作遠聲寒人情便似秋登
悅天色休勞夜起看高檻氣濃藏柳郭小庭流擁沒

花壇須知太守重牆內心極農夫望處歡

細雨遙懷故人

前人

江雲未散東風暖溟濛正在高樓見細柳綠堤少過
人平蕪隔水時飛燕我有近詩誰與和憶君狂醉愁
難破昨夜南窗不得眠閒堦點滴迴燈坐

秋雨

李中

竟日散如絲吟看半掩扉秋聲在梧葉潤氣逼書幃
曲澗泉承去危簷燕帶歸寒蛩悲旅壁亂蘚滑漁磯
爽欲除幽簟涼須換熱衣疎蓬誰夢斷荒徑獨遊稀

偏稱江湖景不妨鷗鷺飛最憐爲瑞處南畝稻苗肥

秋雨二首

前人

飄灑當窳巷苔深落葉鋪送寒來客館滴夢在庭梧
逼砌蛩聲斷侵窻竹影孤遙思漁叟興蓑笠在江湖

二

竟日聲蕭颯兼風不暫闌竹窻秋睡美荻浦夜漁寒
地僻苔生易林疎鳥宿難誰知苦吟者坐聽一燈殘
對雨寄胸山林番明府

前人

竟日如絲不暫停莎堦閒聽滴秋聲斜飄虛閣琴書

潤冷逼幽窻夢寐清開戶只添搜句味看山還阻上
樓情遙知公退琴堂靜坐對蕭騷飲興生

